

4

IIAduho uuuu

21/9

五

01

51


106/12

Andreas Sarsberger

4

A 36

Biblioteka
Ojców Kamedulów
w Błeniszewie



QVADRIGA PIETATIS,

Continens

TRACTATVS IV.

vt sequens pagina declarat.

OPERA CVIVSDAM PA-
tris è SOCIETATE IESV.
IN GRATIAM SODALITATIS
Angelicæ & Beatissimæ Virginis
MARIÆ.

Secundò edita cum libello de S. ANGELO CV-
STODE, R. P. Fran. Albertini Soc.

Iesu Theol.

Ex libris

Reali



*Sebastian
Capellani
R. P. S.*

*Tand
hui
Regi
diti*

COLONIÆ AGRIPPINÆ,

Apud Ioannem Kinckium, sub Monocerote

ANNO M. DC. XV.


Permissu Superiorum.

HOCLIBELLO CONTENTA.

1. Speculum peccatoris & Iusti, de statu peccati & gratiæ.
2. De Contritione & actibus eius singillatim crebrò eliciendis; deque examine conscientiæ.
3. Speculum operum Christianorum Francisci Borgia.
4. Collyrium Spirituale, eiusdem, de confusione sui, tribus partibus distinctum.

PP. Erhard Camato in Insula Vigrensi

Bien. A. III. 16



CENSVRA.


*Hæc Quadriga pietatis continens
tractatus quatuor sic inscriptos.*

1. Speculum iusti & peccatoris.
2. Clavis Paradisi siue de Contritione & Attritione.
3. De operibus Christianis.
4. Collyrium spirituale.

conscriptos à diuersis Patribus Societatis Iesu, vtiliter imprimi poterunt.

Datum Ipris die xxv. Augusti. 1610.

Guiliemus Zijlof S. T. Licent.
Cathed. Eccl. Iprensis Canon.
& Librorum Censor.



PRÆ-

PRÆFATIO

AD LECTOREM.



EMVLOR vos Dei a-
 mulatione. despōdi enim
 vos vni viro virginem ca-
 stam exhibere Christo. 2.
 Cor. 11. Verba sunt a-
 nimi spirantis, & miro de aliis benè
 merendi zelo incēsi, digna profectō
 principe Apostolo, *quem quotiescum-
 que lego* (verbis vtar D. Hieronymi
 epist. 50. ad Pammach.) *audire mihi
 videor non verba sed tōntrua.* Atque v-
 tinam, iterum vtinam sic affari ani-
 mas haud vanè possint, quicunque
 hoc tempore salutis ac perfectioni i-
 psarum vel officij ratione, vel cha-
 ritatis impendio sunt addicti. siqui-
 dem vti sunt, ita meritō à sanctis Pa-
 tribus appellantur Paranymphe, qui
 pias nuptias concilient, & Sponso
 cælesti sponsas quā plurimas adiun-
 gant. Itaq; D. Chrysostomus in dictū
 locū Apostoli, Similes eos affirmat
 Seruo magni Abrahæ, quē is adiura-
 uit

nit per Dominū cæli & terræ, vti-
lio suo Isaac de terra & cognatione
sua sponfam adduceret. Ita videlicet
magnus Deus seruos mittit, quasi
pronubos suos, in terrā hanc nostrā,
& cognationē suā. Et *presens quidem
tempus*, inquit ibidem, *desponsatio-
nis est, futurum verò thalamorum.* sed
res nouas? In mundo virgines manent
ante nuptias, post nuptias non item: hic
autem non sic. nam licet non sint virgi-
nes ante nuptias illas, post nuptias tamē
virgines fiunt. sic omnis Ecclesia virgo
est. Porro illud mihi nunc, Lector,
confidera: Siqua virgo rusticana &
infimæ stirpis, desponsa regi poten-
tissimo, squallore, ac sordibus suis
gaudere pergeret, atq; adeo ipsa
formæ venustatē, ac naturæ dotes,
quibus regis animū sibi deuinxerat,
despicatui duceret; quid hic ageret
Paranymphus, sponsi causa? nū spe-
culū aliquod virginī ante oculos po-
neret, in quo primū suā cerneret de-
formitatē, se, suosq; mores corrige-
ret? certē & spongiā adderet, ac me-
dicamentū aliquod panchrestū quo
vitiū omne, ac nexos etiā auferret.

rum illi vestes pretiosas, aurū ac gē-
mas, cæterumque mundum mulie-
brem apponeret, siue ad sponsi gra-
tiam, siue ad pompā, & ostētationē.
doceret deniq; quemadmodū deinceps
in sublimitate regia modestē se
ac submissē gereret, memor generis,
memor defectuum suorum. Hæc, &
alia, opinor, faceret Paranympheus.
Ad eundem verò modū in hoc studiū
nostrū, in hoc voti nostri caput esse
par est, vt cælesti Sponso animas ad-
ornemus, quas sibi *Sponsauit in fide*,
& lacteā illis rectamq; cæli viā, à qua
peccatū abducit, præeamus. quā qui-
dem operam hoc libello illis nauare
est animus: quod mihi iuxta, illisq;
benè, feliciterque euenire volo.

Primò itaque proponemus illis
Speculū peccatoris & iusti, in quo ante
omnia suam discant vilitatem, ac
turpitudinem, eamque detestentur.
etenim rectē monet Propheta Iob.
c. 28. *Ecce timor Domini ipsa est sapien-
tia, & recedere à malo, intelligentia.*
Deinde remediū præsentissimum,
seu peccati antipharmacum statue-
tur *frequens Contritio, & quotidianum*

Exa-

SPECVLVM

PECCATORIS,

A C

I V S T I,

Specie Dialogismi:

IN QVO QUIDEM ILLORVM

*cernitur extrema infelicitas, ho-
rum verò felicitas inasti-
mabilis.*

■ S A C R I S L I T T E R I S

atque Ecclesiæ Catholicæ
Doctoribus.



COLONIÆ,

Apud Ioannem Kinckium sub Mo-
nocerote,

ANNO M. DC. XV.



DIALOGISMVS

Inter duos sacrarum con-
cionum Auditores.

Polymathes & Philomathes,

PHILOMATHES.

PAUCIS ab hinc mensibus (recordaris
opinor) audiuius vnâ egregium
illum diuini verbi præconem, de peccati
grauitate, itemq; de gratiæ pulchritu-
dine publicè ad populum verba facien-
tem, quantos ille animorum motus con-
citabat, cùm hinc quidem peccata om-
nia ardētissimè detestaretur, illinc Dei
gratiā, eius quasi amore incensus, sum-
mis ad cælum laudibus ferret? Nihil
particulatim tibi in mentem venit om-
nium, quæ tam diu. nè differebat? O vt-
nam in quempiam incidam, qui audit a
mibi in memoriam reuocet! qui gemi-
num quasi speculum ante oculos ponat,
& in altero quidem externam pecca-
toris infelicitatem, in altero summam
iustorum felicitatem demonstret!

B 2

POLY-

SPECVLVM
POLYMATHES.

Gaudeo me nactum esse hanc colloquendi opportunitatem, inter nosque recolendi quæ audiuius illâ concione. nihil enim admirabilius; nihil conducibilius, nihil è quo maiores in omnem vitam fructus mihi spondeam: & proinde sic animo meo impressa sunt, vt in perpetuum deleri non posse confidam.

PHILOMATHES.

Agedum ingredi hunc sermonem, atque in primis nostris oculis subiice Speculum peccatoris.

POLYMATHES.

Parebo lubens, sed (quod præmoneo) nulli adstrictus ordini aut legibus in dicendo, exponam quæ suggeret memoria, quoad consequi poterò, nudo ac simplici genere orationis.

SPECVLVM PECCATORIS.

I. Peccatum mortiferum (inquiebat Concionator) est auersio à Deo, summo bono & infinito, simulque conuersio ad creaturam, eoque summa vanitas censenda, atque extre-



num omnium malorum.

2. Peccatum ex diametro Deo aduersatur ac repugnat. nam quid est Deus? natura quædam infinita, & innolucrum omnis perfectionis, bonitas immensa, sapientia interminata, potentia, iustitia, misericordia prorsus inexhausta.

3. Quid peccatum? ex se & ex sua natura nihil ac pro nihilo habendū, inuoluit autem malitiam infinitam, amentiam, ignorantiam, infirmitatem, iniuriam aduersus Deum, ac barbaram immanitatem sine modo & sine fine.

4. Peccatum est monstrum horribilissimum, nō in vltimas terras deportandum, sed infra terras omnes in abyssum inferorum deturbandū.

5. Peccatum est gurgis ac vorago quædam profundissima, vnde existere aut eripi nemo suis viribus potest, imo nec viribus aut conatibus totius vniuersitatis, quātumuis impensè atque obnixè res omnes creatæ ad erigendum illum conspirent: sed solo Dei auxilio speciali, &

B 3. gratia

gratia efficace veluti manū porrigē-
re. 6. Peccatum est venenū animæ,
quod diabolus nobis propinat in
pateris perelegantibus, atq; instar
auri splendētibus, ratione volupta-
ris, quam pollicetur.

7. Peccatum est pestilens quasi po-
tio, quæ nos miserabili metamor-
phosi in belluas transferat, quēad-
modū Angelos bonos olim in caco-
dæmones conuertit.

8. Peccatum est ardens titio, seu
fax alendis inferni incendijs in per-
petuas æternitates.

PHILOMATHES.

*Deum immortalem! quis vel cogita-
tione assequatur tantum malorum pec-
cato inesse? quanam hæc est quorundam
hominum tanta peruersitas, aut quæ
mentis infirmitas, aut cupiditas incon-
siderata, vt tam facile peccato succum-
bant? quantulum est hoc boni in rebus
caducis, in honoribus mundi, in volup-
tatibus momento temporis euanescenti-
bus, vt animā flammis mācipet sem-
piternis? Sed tu perge porro ad reliqua.*

POLYMATHES.

9. Pec-

PECCATORIS. 15

9. Peccatum est diaboli vexillum sub quo omnes reprobi conscripti centuriatique stipendia faciunt.

10. Peccatum inre adoptionis nos transfert in Luciferi filios.

11. Peccatum est vinculorum omnium instar, compedum, ac manicarum, quibus constrictæ animæ in barathrum pertrahuntur.

12. Peccatum est amabilis Sathæ thesaurus, certa que possessio, & hæreditas inferni.

13. Peccatum est antrum seu cubile spirituum immundorum, in quo quiescunt ac triumphant gaudijs. siquidem hospitio diabolus accipit ac fouet, quicumque mortifero aliquo scelere mentē obstrictam gerit.

14. Peccatum rapina est, propterea quod homo, qui non suus est, sed Dei, plurimis de causis, videlicet creatione, redemptione, alijsq; iustissimis beneficiorum titulis ei vindicatus atq; assertus, cum à Domino suo desciscit, se potestati ac famulatui eius subtrahit ac furatur.

15. Peccatum est nefaria proditio

B 4 quam

quam homo refractarius ac rebellis
machinatur aduersus legitimū su-
um Regem, clauēs ciuitatis, id est,
animæ suæ, tradens hosti eius capi-
talissimo, quem deinceps dominum
agnoscit.

16. Peccatum sacrilegium est, quo
templum Dei viuum, Deoq; sacrum
profanatur.

17. Peccatum est spirituale adulte-
rium, quo anima fidem, quam Deo
sponso suo debet, fallit ac violat.

18. Peccatum est graue pondus,
quod nec cælo retineri nec terrâ po-
test, sed infra terram, ad abyssum
Tartari cum peccatore descendit.

19. Peccatum denique malum est,
tam inusitatum atq; enorme, vt om-
nibus alijs mūdi malis præpōderet,
atque adeo solum absolutè malum
(si propriè loquēdum) dici debeat:
neq; verò centenę aut millenę mor-
tes immanissimæ, atq; omni genere
tormentorū formidolosissimæ, quæ
malorū dæmonum rabies excogita-
re posset, meritò conferantur cum
illius animæ calamitatibus, quæ vel
vnicum

unicum lethale peccatū mente designauit cuiusmodi esset carnis aliqua aut vindictæ voluntaria cogitatio, quæ nimirum fouetur, & placet, elicitque consensum.

PHILOMATHES.

Satis, obsecro, satis. nescio quā animi defectionem sentio, dum hæc tantum cum horrore cōmemoras. sine prius animum colligam, quam ad explicanda peccati damna transeamus.

De damnis Peccati mortalis.

POLYMATHES.

Quandoquidē te ad vires pristinas rediisse animaduerto; si ita videtur, veniā nūc ad enumerāda peccati mala, etsi multitudine infinita, grauitate horribilia: nullius vt sit tantū flumē ingenij, nulla dicēdi aut scribēdi tāta vis, tantaq; copia, quæ hæc omnia aut verbis exprimere, aut numerādo percēdere possit. sed in hac consciētia tenuitatis meæ illa me cogitatio subleuat, quod me cū testis, auditorque fueris omnium, quæ narraturi sumus. Itaque capitula rerū aliquot duntaxat perstringam,

B. 5. & quan-

& quando mihi tua defectione spatium concessum est meditandi, meliorem deinceps ordinem, & quasi cancellis circumscriptā dictionem aduertes. dicendum enim de damnis peccati, primò respectu Dei; secundò, respectu animæ; tertio, de iisdē quoad bona externa, vt sunt sanitas, diuitiæ, honores &c. quartò, quoad proximū, aliasq; creaturas.

PHILOMATHES.

Placet tua distributio: memoria seruiet. Eat igitur quadrato agmine exercitus, patet campus in quo rectè atq; ordine se vndique expandant atq; explicent malorū omnium copiae, quæ originem è peccato trahunt age, incipe.

DAMNA PECCATI MORTALIS
respectu Dei.

POLYMATHES.

I. Primò peccatum constituit nos desertores, imò capitales ac feros hostes veri Dei, ac Domini nostri, qui supremus & conditor est, ac Seruator generis humani, finis vltimus ac summum bonū, insuper ad improbi demonis, inimici terribilissimi signa
nos

nos transfert, eique nos mancipat, qui est omnis malitiæ architectus, pater mendacij, veterator ac nocēdi callidus, qui omnibus artibus ac suttelis nostræ salutis periculum struit.

2. Peccatum nos impios efficit, ac sacrilegos, longè deteriores Iuda proditore, is enim semel triginta denarijs Deum suū vendidit; nos verò sæpius minoris teruncio; quotiescunq; nimirum vilissima, ac breuissima voluptate inescati, flagitium aliquod in eum concipimus.

3. Peccatum assimulat nos Pilato, dum Barabbam, hominem sicariū, homicidam, latronem crudelissimū anteponit CHRISTO Opt. Max. qui fons est omnis bonitatis ac beneficentiæ, & author vitæ atque omnis boni nostri. ita si libidinem, auaritiam, ambitionem aliasque huiusmodi cupiditates, pestes quasdā ac furias esse nouimus, quæ funditus humanam vitam perturbant; quantæ demum impietatis erit has Deo duci ac parenti salutis nostræ, eiusque legibus anteferre.

4. Peccatum Deo datam, Christo-
que salutis nostræ assertori debitam
fidem violat, ruptoque obedientiæ
iugo nos Petro similes facit Deum
suum neganti, ac nefariè abiuranti.
5. Peccatum statuit nos barbaros
quasi idolorum cultores, dum vitij
nostris, immoderatis affectibus, pra-
uisque habitibus tantopere iudul-
gemus, vt diuinos propemodum il-
lis honores habeamus.
6. Quid tam sanctum atque solen-
ne, quod non comminuere ac viola-
re soleat peccatum? Deum ipsum
inuadit, spoliaturque bonis æternis,
id est, diuinis perfectionibus, nosque
grassatores impios, ac prædones
facit. Culpis enim commissis, etsi
plurimis ac grauissimis, optamus
vindicem illum oculum diuinæ iu-
stitiæ latere, poenasque debitas effu-
gere posse. vnde consequens est o-
ptare nos Deum spoliatum ac denu-
datum omni sapientia, iustitiaque,
ne pro meritis punire nos valeat,
quid est, si hoc non est, de diuinis bo-
nis prædari.

7. Peccatum, teste Apostolo, filium Dei conculcat, & sanguinem testamenti pollutum ducit, & spiritui gratiæ contumeliã facit. O verba aspera! ô rê omni exaggeratione maiorẽ! quid hoc cõtemptu detestabilis, quo Deũ ac diuina pro nihilo ducimus, ipsũ Christi pretiosum sanguinem, quo sancitũ est testamẽtũ nouum, ipsam Spiritus sancti gratiã qua in filios Dei adoptamur, respui-
mus ac repudiamus? O mentẽ sacrilegam, quẽ tãtum facinus suscipere, ô manus pedesq; sceleratos, qui id committere potestis! atqui potestis, quotiescunq; æternam damnationẽ peccãdo incurritis, è qua vi ac meritis dũtaxat mortis ac sanguinis Christi liberandi estis, si liberari vultis.

8. Peccatum facit, vt idem Apostolus docet vt homines (quoad eius quidẽ fieri potest) iterum crucifigãt sibi metipsis filiũ Dei. nam merito salutiferæ crucis ac passionis Domini non alia vi ac potestate, peccati condonationem obtineri necesse est. ex quo sequitur, qui peccato consenti-
unt,

unt, eos Christum Dominum ad eandem mortem adigere, quantum quidem in se est, vt liberari possint.

PHILOMATHES.

Quòd si tantum, tàmque atrocem iniuriam Deo Opt. Max. Christo vindici nostræ libertatis, ac pretioso sanguini eius irrogat peccator, quantam, ô Deus, quamque admirabilem prædicabimus patientiam tuam, ac benignitatem in eo tam diu tolerando, tam cupidè expectando, tot insuper beneficijs cumulando atque inuitando ad penitentiam? O hebetes, ac stupidos, aut, vt verius dicam miseros, & perditos, si qui huius diuinæ misericordiæ suauitatem, fructumque non sentiunt! Sed tu, quæso, iam

nunc explica peccati mala
quoad animam.

(.)

MALA PECCATI MORTIFERI
quoad animam.

POLYMATHES.

1. Multa sunt, quorum agmen meritò ducat mors animæ siquidem, ut in sacris litteris est, *Anima quæ peccauerit ipsa morietur.* peccatum ei diuinam gratiâ, hoc est, vitam aufert. nēpe velut anima corporis, ita gratia vita est animæ. vā reprobis, quos manet æterna mors sine vera morte, quia spoliati vita gratiæ, in flāmis infernalibus interim sunt æternū victuri.

2. Peccatum tristissimo nos exilio multat, dum à patrijs Paradisi sedibus in profundissima inferorum relegat, amissa namque Dei gratia, simul abiit hæreditarium ius regni cœlestis quod exinde manat.

3. Peccatum est fœdissima animæ lepra. nā quemadmodum hic morbus corporibus adimit omnē speciem, robur, vigorem; ita peccatū omni pulchritudine nudat animā, omne virtutū robur elidit, omnes opes

& copias naturæ limites transcendentes, quas plena (quod aiunt) manu Spiritus sanctus congesserat, dissipat: cuiusmodi sunt fructus ac dona S. Spiritus; virtutes quoque Cardinales, prudentia, iustitia, fortitudo, temperantia; in quibus vigor omnis & decus & ornamentum animæ potissimum consistit. relinquitur igitur debilis illa & enervata, & ad malū quidem prompta atque alacris, sed ad bonum segnis, imprompta, atque inepta.

4. Peccatum perturbat, debilitat, accorrupt omnes animæ facultates: intellectui tenebras offundit, memoriam rerum salutarium obliuione euertit, voluntatem impellit ad omnem prauitatem, dedecus ac turpitudinem; appetitus omnes, turbatis naturæ legibus, aduersus rationis imperium armat.

5. Peccatum tardos, hebetes ac plumbeos ad omne honesti studiū nos reddit, mentis aciem obtundit, turbat animi affectus, & corrupta vitiorum ac virtutum natura, pro castitate

PECCATORIS. 25

castitate libidines , pro veritate mendacium , pro modestia audaciâ , pro pudore impudentiam , pro pace rebellionem inuehit.

6. Peccatum fidei ac spei nervos in nobis incîdit, charitatem verò penitus extinguit: quarû quidê virtutû præsidijs qui destituitur, is fit (vt sic loquar) sicut Ethnicus a publicanus.

7. Peccatum omnia bonorum operum merita destruit ac dissipat, quantumvis vita sanctissimè acta, & omni virtutum genere cumulata fuerit: in causa quoque est cur nihil eorum quæ agis conducere possit ad ad vitam æternam: ad hæc priuat nos communione omniû bonorû, quæ in cômune sunt Ecclesia Catholica.

3. Peccatum te refert in numerû reproborum , nomenque tuum inscribit albo damnatorum.

9. Contaminat, & conculcat (ô detestabile sacrilegium) nobilissimam Sanctiss. Trinitatis imaginem, aninæ tuæ diuinitus insculptam.

10. Peccatum exterminat ex ani-

ma sanctissimam Trinitatem Patrem, Filium, & Spiritum sanctum in cuius locū malū demonē, generis nostri hostem teterrimum inducit, qui alienam possessionem inuadat.

11. Peccatum est animæ hydrops. nam quemadmodum (poëtę verbis utar) crescit indulgens sibi dirus hydrops sine vlla satietate, sic anima peccato seu peccandi cupiditate insaturabiliter expletur. ex vno in aliud sine fine allicit cupiditas aut voluptas prorsus insatiabilis.

12. Peccatum animam in Diaboli similitudinem transfert, hostis nostri infestissimi atque horribilissimi grauissimè id attestante Seruatore nostro, dum ait, *vnus ex vobis Diabolus est*: Iudas nimirum proditor, qui facinus omnium atrocissimum iam animo conceperat.

13. Peccatum infra omnes res creatas nos abijcit, adeoque infra ipsū quodammodo nihilum peccati, nam *qui peccatum facit*, inquit Dominus, *seruus est peccati*.

14. Peccatum est officina nequitie, diuer-

diuersorium flagitiorum omnium:
quia venenum tam dulce & efficax
propinat, vt ad omnem malitiam
atque nequitiam impellat, teste D.
Bern..ser.81.& 82.in Cant.Itaq; omni
scelere animam contaminat, & pro
pulcherrimo virtutum choro, teter-
rimam vitiorum cateruam inducit.

15. Peccatum diuinas inspiratio-
nes auertit atq; extinguit, auresq; a-
nimæ obstruit, ne possit admittere.
vnde se statu damnationis expedire
non valet.

16. Peccatū animę pacē intercipit,
& bellum horrificū infert; consciē-
tiam perturbat, angoresq; ac solici-
tudines continēter obijcit, quibus e-
orū animi noctes atq; dies exedūtur,
qui sibi malè conscij pœnam semper
ante oculos versari putant.

17. Peccatum rectæ cōsciētix sti-
mulos paulatim amolitur, suppressit,
tollit; à qua tamē in omni vita nostra
transuersū vnguem non oportet dis-
cedere; qua sublata, iacent omnia.

18. Quid plura? peccatū si inuetera-
tum fuerit, præcipitat animam tan-

ta vi in miseriarum omnium pelagus, vt iam tradatur in reprobū sen-
sum, qui cumulus est omniū malorū.

Habes malorū iliadem, quibus anima ci-
camuallatur atq; obruitur, quæ victa peccato manus dedit.

PHILOMATHES.

*Misera ac miserabilis anima cū re,
tum hoc ipso quod non sentiat quā sit
misera. quī fieri potest. Deus bone! quo-
modo tot malis non ē somno excitatur si
dormit, si vigilat, nō stimulaturs ad qua-
rendā salutē? quomodo ita excacatur?
quomodo hominē ex homine exuit? quā
ista tanta crudelitas est, odiūq; sui ipsi-
us? quā tam fera immanisque natura?
Sed iuuabit fortassis audire insuper ea
damna, quæ incurrit peccator ratione
bonorū externorū seu fortuitarum qui
et si longē longēque his inferiora non ra-
rō tamen apud homines inconsultos ac-
que improuidos plus ponderis habent ad
mouendum.*

*O curua in terras anima, & ca-
lestium inanes?*

(. .)

D A M.

DAMNA PECCATI LETHALIS

ratione bonorum externorum.

POLYMATHESES.

1. Extra omnem controuersiam prima hic sunt bona corporis, sanitas, vires, pulchritudo, organa sensuum humanorum. Peccatum ea non modo debilitat atque enervat paulatim, sed corrumpit penitus ac destruit: morbos etiam insanabiles interdum & mala plurima importat, ut ingula, ac luxuria manifestissimum est. Dissoluitur omnis vigor corporum ubi peccatum dominari inceperit.

2. Peccatum corpora etsi bene exercita & robusta deijcit, ut tarda fiant ac segnia, deformia quoque & inepta honestis exercitationibus; atque ita continentiae ac seuerioris vitae lacertos in delicias mutant, atque in imbelliam vanescant licentioris vitae.

3. Peccatum est scopulus naufragijs bonorum fortunae infamis: quia Deus ea peccatoribus aufert, ne diutius abutatur, sicut Aegyptijs olim multam ac magnificam supellectile

Chananaeis terras ac regnum.

4. Peccatum potentissimos quosq; magnitudine & honoribus exuit: æquissimum quippe est, vt qui diuinis honoribus tantum derogarunt, ipsi quoq; vicissim iacturam huiusmodi faciant; quod exemplis Heli ac filiorum illustrius euadit.

5. Peccatum sceptrā, purpurā, coronas, imperia fursū ac deorsum omnia vertit, atque euertit. Testantur Saul, Nabuchodonosor & sexcenti alij.

6. Peccatum aufert lætitiā cordis, quæ est vita, inquit Sapiēs: inserit autē angores, ac tristitiā quæ exsiccat ossa, itaque vitam insuauem ac mortis instar facit:

——nam mortis habet vices, Lentè cū trahitur vita gementibus.

7. Peccatum est fons veluti venenatus, vnde profluxit quicquid vibique est malorū, hereses, schismata, bella, pestis, fames, ruina statuū in Repub. euersio familiarum, excidia ciuitatum,

8. Indidem existunt terræ motus
pro-

PECCATORIS. 31

procellę maris, inūdationes, incendia, fulgetra, tonitrua, coruscationes, grandines, millena alia euenta, quę fortunę dicuntur. Nam cū peccatum sit iniuria atrox atq, infanda contra rerum omniū prępotētē Deū qui mundū architectatus est verbo tantum ac nutu suo ex nihilo, eundemq; assiduē sua bonitate ac Sapientia cōtinet, moderatur, fouet; ita fit, & ad eius vltionem elementa omnia palam conspirent.

9. Peccatum sæpe mortem accelerrat, & in visceribus nostris, nobis infcijs, colligit labem, ac perniciē. Ex quo factum est, vt cōplures occulto quidē, sed iustissimo Dei iudicio, malefactis ad extremū id exigentibus, morte repentinā sint extincti, atque vlttricibus inferorum flammis addicti.

PHILOMATHES.

Hec monita spero salutariam mihi in omne æuū futura. vtinam & alijs. ō si diem omnē sic ordinaret, quasi is agmē cogat, vitamq; consūmet! Incertū enim nimis est, quo loco quo tēpore mors occu-

pet, paratos an imparatos: ideoq, omni
tēpore & omni loco eam expectare par
est, ni irruat derepēte. O peccatores me-
ritò Spiritus sanctus in Scriptura sacra
sic loquitur: Cor durum malè habebit
in nouissimo & qui amat periculum
peribit in illo. Merito illud quoque:
Qui diligit iniquitatem odit animā
suam, id est, vitam suam, eiusq, tran-
quillitatem & cōmoda cū tot malis eā
vndique cinctā videat. Sed tu Polyma-
thes, quod reliquum est exequere de ef-
fectis peccati.

EFFECTA PECCATI MORTA-
lis intuitu proximi aliarumq,
rerum.

POLYMATHEs.

1. Ea sunt pauca, quidem mole, sed
non pondere. Primò enim, peccatū
prouocat proximū, imò totam Chri-
sti Ecclesiam ad periculosa exem-
pli imitationem: quod propriè scan-
dalum dicitur.

2. Peccatum priuat proximum
tuum participatione seu communi-
catione bonorum tuorum, siue me-
rito-

PECCATORIS. 37

ritorum quæ accumulare posses.

3. Peccatum beatis magnam gloriam intercipit, quam accidentariam, seu aduentitiam vocant; fidelibus autem vitæ sanctis suffragia tua.

4. Peccatum auget damnatorum ipsorum etiam dæmonum in illo flammarum pelago crucatus, proinde diues epulo cum æternis ignibus colluctans, obsecrabat Abrahamū vt Lazarum mitteret ad fratres suos, ne & ipsi venirēt in hunc locum tormentorum.

5. Peccatum sua foeditate contaminat omnia quæ sub cælo sunt: eaq; ratione in nouissimo die omnia igne purgari, & quasi expiari oportebit.

6. Peccatum totius naturæ leges vsumq; inuertit. cū enim res omnes ad amplificandam DEI gloriam conditæ sint, eoq; dirigi debeant, peccatū ijs abutitur, atq; in instrumenta contumeliæ, & offensionis Dei conuertit.

7. Quid multis moror? peccatū est ratione quadā causa maledictionis.

ac dānationis æternę omniū creatu-
rarū, etiam inanimaturum atq; mu-
tarū. Nā dum elemēta, quib. constāt
alimēta peccatoris, in succū ac san-
guinem eius vertūtur pariter neces-
se erit vt eandē, quam ipse maledi-
ctionis, ac dānationis sētētiā subcāt.

En quicquid mihi inmentē venire
potuit de peccato eiulq; effectis.

PHILOMATHES.

Ago ingentes tibi gratias, agamq;
dum viuam. aliquando quoq; vicem
aliquā reponam, vt spero, in posterū da-
bo operam vt hæc tua doctrina salut aris
atq; idonea fiat animo medicina. Nam
præterquā quod magnam peccati dete-
stationem ingeneret, odiumq; eius inti-
mum firmet; maximū præterea momē-
tum afferet ad contritionē seu dolorē a-
cerbissimū excitādū ob peccata vitæ an-
teactæ. Hæc certē cōsideratio grauissi-
morum malorum, quæ peccatum conse-
quuntur, calcar ad id optimū videtur.
Porro, ni fallor, postquam Concionator
peccat naturā, quæq; inde oriūtur mala
funestissima dicēdo explarasset; dedux-
it inde clausulas quasdā, ac documēta
pra-

PECCATORIS. 35

practica, quadam quoque remedia. Hæc à te denique eadem aueritate, eodemque grati animi & pietatis sensu expecto. Beneficium bene collocatū existima, cum scenore rediturum.

POLYMATHES.

Quid ais de scenore? labor noster mercenarius non est, nec fraudabitur interim mercede sua, vt confido, apud Dominum.

Itaque prima cōclnsione, quantū recordor, documētum proponebat huiusmodi: quandoquidem peccatum summum omnium malorū est, atque adeò malum infinitum, anteponenda ac præoptanda multis partibus omnia mala mundi, dedecora atq; ignominias, calumnias, iniurias, probra, infortunia, ægritudines, cruciatus acerbissimos, equuleos, mortes conquistissimis tormētis illatas, quicquid deniq; fingi aut credi potest acerbū in hac vita. Vestigijs nēpe insistendū gloriosi illius Martyris Machabēi, cui cū extrema omnia denūciarētur, nisi legē Dei transgredi decerneret, respdōit Præmitti, se

velle in infernum, hoc est, malle se trucidari, ac membratim in mille frustra concidi, quàm flagitium admittere. Idem generosissimus animus omnium martyrum fuit, eadē vox digna martyribus, Præmitti se velle in infernum, si videlicet peccati vitandi causa necessitas vrgeret.

PHILOMATHES.

O inuictissimam animorum vim! ô sortes, vt sic loquar, & tenaces propositi viros! sic in sententia permanendū, & viriliter hosti nostro resistendum. cū nos varijs infestationibus oppugnat. Sed pene exciderat historia quadam. siue Apophthegma eiusdem argumenti, quod exemplis iam commemoratis subiungebat. nec adhuc distinctè recordor, sed veluti per vmbra: iuua.

POLYMATHES.

Fuit illud D. Anselmi, Archiepiscopi Cantuariensis, vt arbitror; cuius hoc dictum in cæteris eius laudibus familiam ducit; *Si hinc peccati horrorē sine pena, inde inferni dolorem sine culpa, mihi propositū cernerē, necessitas aut imponeretur alterutrū deligēdi; Mal-*

PECCATORIS.

di: Malle, inquit, purus à peccato & innocens gehennam intrare quàm peccati sorde pollutus calorū regna tenere. Lib. de beatitud. c. 190. Quin & memini aliàs me audire consimilia de S. Edmundo Archiepiscopo itē Cantuariensi, cuius ea vox erat, Mallem insili-re in rogū ardētissimū, quā peccatū ullū sciens admittere in Deum meum.

Itidē de S. Ludonico rege Gallorū, qui ab ineunte ætate hoc persuasum habebat, Potius mori quàm peccare.

PHILOMATHES.

Habemus in istis. praeclarum & illustre quod imitetur exemplar. Opto ex animo omnibus peccatoribus talem horrorem ac detestationē Culpæ mortalis. Sed & nos premamus vestigia in sequēdo, & ex interuallo saltem ingenti reputabundi sequamur, si non assequamur. Ecquodnam fuit secundum documentū quod ex dictis conficiebat Concionator?

POLYMATHES.

Cū peccatum sit tot rationibus supra quàm dici aut credi potest deplorandum, ac reformidandū, extremæ dementiæ est vel momento

C. 7. tempo-

SPECVLVM

temporis in statu tā periculoso permanere, hoc est, in faucibus Lupi infernalis, in ipsis inferorum suburbij, in portis mortis, in medijs malorum agminibus, inter mille discrimina damnationis æternæ.

PHILOMATHES.

Capio quod dicis. sed quis modus animæ peccati labe infecta, atq; his periculis circūuallata, eruendi se hoc statu, & salutē suā asserēdi hic finis esto, ac veluti portus quò hætenus velificati sumus.

POLYMATHES.

Excitanda est contritio, siue dolor de peccatis ex intimis sensibus, ob offensum Deū patrē, ac Dominū nostrum, qui comoda quibus utimur, lucemque qua fruimur, spiritūq; quē ducimus nobis impertijt; qui nos innumeris insuper beneficiis cumulauit, & ut uiueremus mori dignatus est. deinde quam citissimè confessio instituenda, sine vlla procrastinatione, quæ in negotio tanti momenti periculosissima est. nā quā facile subita morte abrepti, serò ac frustra eius copiam nobis sublatam in perpetuum deploraremus? Quot

animarū millia ardere iam putamus in flammis illis vlttricibus, quod cōfessionem scelerū suorum in alium diem reiecerint, quē videre, subito extincti non potuerunt. quid ita? apud occultum Dei tribunal constat huius rei ratio, nobis autē de ea nihil constat. Sed de hac re si plura desideres, consulendus est libellus noster, cui titulus, *Clavis paradisi, siue, Tractatus de Contritione.*

PHILOMATHES.

Legā, & vt audio, magno meo compendio, emolumētūq; legā. Interim vbi sūt remedia peccatorū quā pollicitus es? mēne oblitū putas? suppedita optima quæque aliās inueteratis malis, quibus sedes imo regnum in anima est, leuis medicina non medicina est.

POLYMATHES:

Ita est profectō, ægritudo potissimum quæ radices egit, & fixit pedē, non leui spongia abstergitur. Principid igitur asserebat Concionator vinā atque efficacē cōsiderationem rationū iam dictarū, & grauissimorū damnorū quæ peccatum importat pluri-

plurimū ad eius detestationem cō-
ferre posse. deinde vitandas occa-
siones & pericula peccandi, vt sunt.
prauę societates, loca suspecta, per-
sonę lapsibus nostris accommodę.
quin etiā seridē recolendā Christi as-
sertoris nostri passionem; mortisq;
acerbissimę cruciatus, alięque be-
neficia incomparabilia, quę largis-
sima manu in nos contulit, vt amo-
re sui nos inflammaret. postremō
meditationē prędicabat mortis iam
iamque imminentis, ac seuerissimi
Iudicis sententiā ultimā, ac formi-
dolosissimam mox fulminaturi, quē
nullum latet secretum; qui peccata
nostra infinitē odit, qui vult ac po-
test ea æternis cruciatibus vindica-
re. Hęc sunt medicamenta animo-
rum quę maiorem in modum com-
mendabat, quod non moueant mo-
dō, sed extrahant penitus humorem
peccati. Alia quędā, sed minus va-
lida; fortassis vulgō tradi solent: vt
primum quidem initijs vitiorum
subrepentium occurrendum. Nam in
confinibus hostis arcendus est: cū
intrauit:

intrauit, & portis se intulit, modū à captiuis non accipit. Ita si peccato ius aliquod voluntate nostra datum est, faciet de cætero quantum volet, non quantum permiseris. Præterea, consuetudo contraria viriliter opponenda: quia æquum est, vt bona consuetudo excutiat quod mala instruxit. Demum si sedulò totum diem quotidie ac præcipuè vesperi excusseris, vitia radicitus extirpabis. sic enim animus se ipse admonet, ac speculator sui factus, cognoscit optimè de moribus suis, & apud se causam securè dicit.

Hoc satis. Estne aliud quod à me postules?

PHILOMATHES.

Næ ego deinceps in omnem gratia referenda occasionem excubabo pro tali humilitate ac benignitate, qua me cōplexus es: non solū enim memoriā mihi auditorum excitasti, sed pios etiam motus attulisti, pæne eosdem (fas mihi hoc dictu) quos nuper ipsemet buccinator è suggestu. neque verò huius temporis

poris tantum hic fructus erit, spero, sed
 maturefcet & feret at atē. quotiescūq;
 ſcilicet hoſtis hominū vaſer ac callidus
 me ſuis tentationū illecebris ad delin-
 quendū inſtigabit, obijciā ei Speculum
 hoc peccatoris cū omnibus malis quæ in
 eo cernuntur. Porro etiam magno bono
 publico latius manabit in vulgus, nemo
 enim tā extremē ac desperatē impro-
 bus futurus eſt, qui non inſpecto hoc Spe-
 culo ſe colliget atque reſipiet.

Sed hoc eodem ſine atq; conſilio plu-
 rimum profuerit, alterum etiam Specu-
 lum Juſtorū proponere, in quo Dei gra-
 tiam quā nobis tollit peccatū, omniaque
 gratia effecta contemlemur: hoc, ſiqui-
 dem initio promiſiſti. Age, de his etiam
 tibi diſſerendum quoad recordaberis: ac
 tum fidem tuam cumulatiſſimē
 liberaueris, ac vetus pro-
 miſſum expunx-
 eris.

SPECV-

SPECVLVM

IVSTORVM.

POLYMATHE.

Ardorem mihi inijcit tā seriæ petitionis pōdus. sed ad asperum & arduum me collē vocas, in quem interim eniti est animus. vires si pro animo nō fuerint, ignosci postulo. Quid est igitur Gratia?

1. Gratia est habitus diuinus, siue donū animæ infusū, lumenq; supernaturale, profectum à Deo patre luminū, sine quo mereri, aut ad portū salutis pertingere nemo potest.

2. Gratia est participatio quædam naturæ diuinæ, id est, supra modum eximie sanctitatis Dei, bonitatis, puritatis, nobilitatis infinitæ: cū videlicet homo segregatus iā ab hac colluione & contagione, quam ex Adæ mortalitate traximus, cōsors sit excellentiæ diuinæ, & seipsum exuens, induit Christum Iesum.

3. Gratia est pignus vitæ beatæ & immortalis; quinimō initium ac radix cœlestis gloriæ.

4. Gra-

4. Gratia nos vsque eò nobilitat, vt quadam ratione Deum ex homine faciat. agnoscite, ô Iusti, vestram dignitatem.

5. Gratia est bellissimum ornamentum atque inæstimabile *keimelion*, quo anima Dei sponsa cohonestatur.

6. Gratia thesaurus electorū est, & fons omniū cœlestiū bonorum.

7. Gratia est magnæ reginæ vestitus deauratus, arte manuque S. Spiritus quasi elaboratus, quo tam formosa, tãq; gratiosa ante oculos Dei statuitur, vt eam in filiam adoptet.

8. Gratia tantum bonum est, tantus honor; dignitas, pulchritudo, voluptas, vt omnia id genus bona mundi infinitè superet. quin omnium prorsus bonorum seminarium censeridebet.

9. Gratia est manna absconditum, & fructus vitæ æternæ.

10. Gratia est pabulum animæ suauissimum, supra mel & fauim.

11. Gratia est panchrestum antidotum contra omne virus animæ.

12. Gra-

12. Gratia est arx munitissima, & propugnaculum inexpugnabile.

13. Gratia est Christi ducis ac liberatoris nostri vexillum triumphale, sub quo omnes electi militant militiam bonam.

14. Gratia est flagellum improborum dæmonum terribilissimum.

15. Gratia est clypeus, lorica, gladius, lancea validissima, cum ad faciendam tum ad vitanda vulnera nostrorum hostium, mundi, carnis, & spirituum malorum.

16. Est armatura probatissima, quæ nos à capite ad calcem protegat, nullus ut vulneri in corpore pateat locus.

17. Gratia tam admirandæ virtutis est, ut Diaboli mancipia, ac bruta animantia, id est, homines qui in mores feros ac belluinos degenerauerant, ad Statum Angelorum, ac proximè ad divinam naturam traducat.

18. Ut paucis concludam, gratia sedes ac domicilium est præpotentis Dei, lectulus quoque aureus
extra

extra modū cultu magnifico, in quo
requiescat sanctissima Trinitas, Pa-
ter, Filius, & Spiritus sanctus.

Hic insisto, hic hæreo, nihil quod
supra ista sit in descriptione gratiæ
reperire possum.

PHILOMATHES.

*Dedisti me in stuporem, atque animū
sanè addidisti, vt pro gratiæ diuinæ cō-
seruatione, nullos labores, nulla pericu-
la, nullas dimicationes, nec mortem de-
nique ipsā, si opus sit, reformidem. Sed
ne molestè feras audaciā meā in postu-
lando; oportet te etiā nūc vela pande-
re, & nauim altiūs immittere in rerum
diuinarum fretum. Explica mihi huius
gratiæ operationes, ac bonorum copias
quæ secum in animam inducit.*

POLYMATHES.

Si rem pendas æqua iudicij lance,
nescias an plus mali è peccato, quā
è gratia boni in animā deriuetur:
nolim tamen altè penetrare in hoc
mare, sed littus potiùs legere.

1. Primò itaq; gratia te arctissimè
Deo deuincit atq; abstringit prope-
modū vt res vna ex vtroq; cōfletur.

2. Gra-

2. Gratia tuam animam constituit Christi Domini ac Conservatoris sponsam pudicissimam, & sororem; Patris æterni filiam amantissimam; templum denique augustissimum Spiritus sancti.
3. Gratia te regni æterni participem facit, & (quod consequens est) socium contubernalem, ac fratrem dulcissimū omnium, Sanctorum; ipsius deniq; Reginæ rerū omniū, excepto rege, dignitate principis filiū.
4. Gratia te dignum red lit, qui possis assidere in conuivio magni Dei, & de cibo eius regio delibare.
5. Gratia expedit animam culpis, quas contraxit, eamque reconciliat Deo.
6. Gratia incitat voluntatem ad omnia rectè facta, dicta, cogitata, in ipsique eam firmat.
7. Gratia tantum tibi confert roboris, vt (teste D. Thoma Aquinate) minimus eius gradus sufficiat debellandis omnibus dæmonibus, atque peccatis.
8. Gratia pænas æternas valet in
tem-

temporarias commutare.

9. Gratia Deum demeretur, operibusq; nostris vitam æternam promerendi vim tribuit; ac demum merita omnia peccatis deperdita restituit.

10. Gratia animum format atque componit, vitam moresq; nobilitat, actiones regit; agenda & omitenda demonstrat, denique gubernaculum est, & per ancipitia fluctuantium dirigit cursum.

11. Gratia concupiscentiæ ardorem immodicum mitigat, ac moderatur. *

12. Gratia effrænes animi motus, affectusq; cohibet.

13. Gratia te omnibus casibus ac ludibrijs humanis, tentationibusq; superiorem facit.

14. Gratia omnes animi labes expellit, omnes vitiorum igniculos reprimit, omnia semina elidit.

15. Gratia excolit animum, ut ad omnem virtutem efflorescat.

15. Gratia mirificè mentē illustrat, fitq; scientiarum omnium huma-

narum

narum diuinarumque seminarium: excitat quoque memoriam ad cælestia contemplanda, & diuina beneficia recolenda.

17. Gratia accedit affectum ad opera sublimia atque heroica, qualia sunt charitatis erga Deum ac proximum ardentissimæ, penitentię item, atq; afflictionum corporis, quo premente, vrgetur animus atque in vinculis est, vix vt possit assurgere ad diuina.

18. Gratia erigit animum vt cuncta despiciat, neq; extollatur fortuitis, neq; frangatur, veraque voluntas sit voluptatum mundi contemptio.

19. Gratia dulce, & amabile reddit iugum Domini, vt volupe sit decurrere viam virtutis.

20. Gratia virtutes omnes, ac dona Spiritus sancti menti inserit, & inserta custodit; humilitatē nimirū, prudentiam, fortitudinē, temperantiam, aliosque habitus bonos; nominatim vero (quod primò dictū oportuit) castitatis pretiosissimum quā

corporis, quàm mentis thesaurum il-
libatum tuetur.

21. Vt rem in pauca conferam,
gratia (quod caput) Deū opti. max.
accipit hospitio in anima, quàm sola-
tur, quam defendit, quam gubernat,
quàm dirigit ad cælestem patriam; in
qua item dilectus pascitur, in qua
triumphat, in qua conquiescit.

Hæ sunt opes, & copix tuæ, ô felix
anima, quibus te apprimè nobilita-
tam gratia euehit in sponsam Dei,
reginam cæli, dominam vniuersi.

PHILOMATHES.

O documenta illustrissima dicam, an
saluberrima omnibus hominibus aut qui
sunt, aut futuris? vtinam omnes mundi
plagas peruadere illorum cognitio vsus-
que possit, nihil certè optabilius his tē-
porib. nihil postleritati fructuosius videri
debet. Itaque his tam diffusè comme-
moratis, quid reliquū est, Polymathes,
iussi vt huic nostræ sermocinationi ex-
tremam manum imponas? Si te ad ex-
tremum rogauero, vt subsidia etiā qua-
dam suppeditare non graueris, quibus
Dei gratia custodiri ac defendi possit
me-

meritò me reijcias ad ea quæ supra de re-
medijs peccati dicta sunt, non assimilia
huic proposito. proinde supersedebimus
hoc genere orationis. potes ergo iam na-
uim ad portum flectere, quò velificatio
nostra ab initio directæ fuit. Sed num si-
gna aliquot commeministi, seu conie-
cturas, quibus cognoscamus Dei grati-
am nobis inesse? attigit hanc etiam par-
tem Concionator.

POLYMATHES.

Memini, etsi obscure. sanè ope-
ræpretium sit etiam in hoc genere
quicquid occurrerit exponere, nihil
vt in hac materia desideretur, scio
palmam in meta non in carceribus
figendam. Tu ergo subleua, si-
quando lapsum memo-
riæ notabis.

SIGNA DIVINÆ GRATIAE IN HO- MINE.

1. Primum est replicata memoria præteritorum annorum culpas cum magno animi sensu deplorare, & concepto firmissimo emendationis proposito eas vehementissimè de-
testari.

2. Magnum quoque dat sui speci-
men gratia in animo, si quis magna
constantia legi diuinæ sic parere de-
creuit, ut nec ullius tormētū vi, aut
metu nec mortis vitandæ causa, ve-
lit ullum Dei præceptum infringere;
semperque in hoc proposito, susce-
ptoque consilio statuit permanere.

3. Emicat etiam foras, & sui signum
dat gratia in homine, si quis multo-
rum annorum spatio cohibuerit ac
continuerit sese à peccato morti-
fero. nam rectè D. Gregorius, *Pecca-
tum vnū*, inquit, *quod per penitentiam
non deletur, suo pondere citò trahit in
aliud.*

Ac quemadmodum cadauer a-
liquod

liquod quamprimum factorem solet
emittere, quo expers esse animę pro-
datur: sic anima peccato mortua ci-
tò alterius peccati factore, mortis ar-
gumentũ edit: Vnde colligitur con-
trariorum legibus, si longo tempo-
ris intervallo nullus in anima pec-
cati putor deprehenditur, ei vitam
gratię etiamnum inesse.

4. Siquis libris pijs legendis, fa-
crisq; concionibus audiēdis, atq; in
vniuersũ bonis operibus cumulan-
dis magnopere delectetur, solide-
que reficiatur.

5. Siquis ad rerum humanarum, o-
mniumque mundi illecebrarum
contemptionem frequentes sentiat
impulsus.

6. Siquis ad cælestem patriam idẽ-
tidem suspiret, & in hoc exilio vel
potius valle lachrymarum se quasi
vinculis præpeditũ diutius retineri
molestè ferat; cum rege Dauide, dũ
ait, *Hei mihi quia incolatus meus pro-
longatus est*; & cum D. Paulo dum
cupit dissolui & esse cum Christo;
exclamans interim. *O infelix homo,*

D. 3. quis

quis me liberabit de corpore mortis huius?

7. Si quis diuina Sacramenta Cōfessionis, atque Eucharistiæ piè frequentat, tanquam fontes vberri-
mos cælestium bonorum.

8. Si quis omnem iniuriam ac cō-
tumeliam didicit silentio ferre, vel
potius beneficiis superare; pariter-
que in omni fortuna semper eodem
vultu, atque æquabili animo ibi
constare.

9. Si quis omnem mundi luxum
abhorret, & ad sempiternā anhelās
gloriam! omnē mundi excellentiā,
omnes honores, omnes principatus
nullo loco habet, immo citius di-
xerim conculcat ac pro nihilo du-
cit, vt se arctius Deo suo con-
iungat.

10. Exmium quoq; gratiæ præse-
tis signum est, perpetuum quoddam
orationis studium, ac perseveran-
tia in exercitio pietatis.

11. Frequentibus Dei inspiratio-
nibus ad meliora inuitari, suamq;
voluntatem ad Dei nutum fingere
& accommodare.

12. Vlti-

12. Vltimū diuinæ gratiæ indicium est (vt sim breuis) incendium quoddam amoris erga Deum in animo sentire, idemque propter Deum in proximum deriuare.

Habes signa Philomathes, quibus quadamtenus utcumque doceri de statu gratiæ ac firmari possumus, qui cæteroquin pendente vestigio inus & querimus per coniecturas. num plura tibi occurrunt? Festinanter siquidem dixi. vt ij qui opido, aut metæ accedunt, quam destinant, magis properant: sic ego in enumeratione mea.

PHILOMATHES.

Id ipsum mihi pro eo sanè ac debuit gratissimum fuit. signa verò quibus distinctam gratiæ ac virtutum gemmis animam cognosci posse demonstrasti, satis ex animi sententia recensuisti; & sufficere aliquaratione possunt, vt inter spē metumq; nimium pendentes ac incerti fluctuare desinamus. O felices, ac beatos, qui hæc in se, etsi non

omnia, certè aliqua ex parte deprehendunt! nam cùm omnino aliquibus indi-
ciis opus sit, quibus velut anchoris nauis
animæ firmetur in hoc mundi pelago,
quanta erit ista consolatio, posse vel om-
nia in se inquirendo reperire, vel certe
precipua, vt certa cū fiducia ad aterna
salutis portum appellere queant? nunc
illud superest, quod mihi etiam auditu
sanè quam iucundum fuerit, num quid-
nam omissum putes in hac nostra enar-
ratione?

POLYMATHES.

Nihil admodū, sed quæ dicta sunt
hactenus qui mente secum reputet,
quis non ingenti voluptate per-
fundatur, si quis aliquod in se salutis
suarum argumenta rimari, atque agnos-
cere valeat? meritò huiusmodi feli-
ces prædicabas, cum habeant in sese
omnes numeros felicitatis. Porro
quo facilius huc pertingamus, nihil
cōducibilius arbitror duobus istis
speculis, quæ proposui peccatori-
bus pariter ac iustis, hæc crebro
inspiciamus, & in altero quidem
pec-

peccati malitiā, in altero gratiæ bonum inæstimabile contemplemur. sic finem principio lubet iungere: & quando vtriusque rei notitia iam aliqua, Dei beneficio, parta est, pergamus porro atque enitamur in posterum utilitatē ex ea magnam capere. Quāti (ō magne Deus!) gratiam illam æstimari par est, cuius infimus gradus omne aurum, omnes gemmas, omnia quibus mūdus pretium tribuit infinitē transcendit? quid splēdidius gratia, quid dignius, quid fructuosius? semen veluti nobilissimum est, quod in anima hominis iusti tamquam in bono solo sparsum facile cōprehendit, & se explicat, fructusq; meritorum lætissimos producit. Omnis itaque adhibenda est cura, omnibus nervis contendendū, ut rectē in mente custodiatur, nihilque tam potens sit in huius mundi periculis, ac procellis, quod eam nobis eripiat, sed ut fluij quidam per media maria transire dicuntur, & seruare suam vndam, suamque dulcedinem: sic nos per tumultus

circumfufos ad patriam tendamus, vt illædinem nullam trahamus ex hoc pelago malorum, dulcedinemque diuinæ gratiæ femper retineamus.

Ex altera verò parte Speculum peccatorum docet nos fupra omne malum vehementiffimè dictis, factis, cogitatis fugere peccatū; quo pretiofiffimum gratiæ thefaurū diffipamus, quo omnia iam dicta peccatorum damna incurrimus, quo nos in perpetuæ damnationis barathrum fcientes, prudentesque precipitamus. At quid eft quòd homo tantam fibi perniciem accersere nō veretur? quid nifi fallax voluptas, aut vmbra potiùs voluptatis, fumus honorum, viliffimi lucelli cupiditas, aliquantulum terræ albæ, aut flauæ? O profundam cæcitatem! ô iniuftos rerum æftimatores, quorū mentes tantus ftupor oppreffit, vt res fallaciffimas, aut rerum potiùs imagines, atque vmbas æternis animarum, corporumque cruciatibus commutare velint. quis

ram efferatus, quis tam agrestibus institutis viuit, aut contra naturæ studia tam vehementer obduruit, qui id non dicam fidei, quam profitetur, sed rationi ac naturæ suæ inimicissimum non iudicet? Quod autem Deus subiinde poenas illas extremas differat, vt peccatoribus spatium sit emendandi quæ deliquerint; hoc profectò infinitæ ipsius misericordiæ, ac benignitati adscribendum. Interim certissimo cōstat admissio peccato quamprimum deberi poenas sempiternas; dirum quoque, atque infaustum subitæ mortis genus iustissimè cœlitus irrogari posse, atque adeò sæpenuerò hæcenus irrogatum fuisse, imò etiamnum sæpe irrogari: quod meritò in se quisque reformidet, qui repetitis idemtidem: culpis Deum ad vindictā prouocare non desistit. Auerte hoc sūme Deus, auerte ab homine, pro quo mori dignatus es. hoc esto vltimum votum hoc suspirium nostrum.

Ad maiorem DEI gloriam,
ac Deiparæ Virginis
Mariæ.

CLA-

CLAVIS

PARADISI.

CONTRITIO QVAM NE-
cessaria, quantumq³ differat ab attri-
tione: de actibus itidem con-
tritionis sigillatim.

ACCESSIT CVMVLVS RA-
tionum, quibus probatur contritionis
exercendæ frequentia: simulque
Examen conscientiæ.

*Baſilgaſit hunc libellum primam Hispanicè
Sacerdos quidam è Soc. Ieſu; deinde è Regina
Confessario huc transmiſſum Latine ver-
tit alim. Pater eiſdem Socie-
tatis.*

Magno, vt liquet, bono publico.



COLONIÆ,
Apud Ioannem Kinckium,
ANNO M. DC. XV.



DIALOGISMVS

De

CONTRITIONE

&

ATTRITIONE.

Doctor & Discipulus.

DISCIPVLVS.

LIceat mihi per tuam humanitatem hodie, id quod nostra omniumq; plurimum interest, ex te quærere. Sæpenumero audire memini, quantum momenti, ac ponderis in Contritione sit ad salutem. ediffere mihi, obsecro, quàm sit illa necessaria.

DOCTOR.

Contritio, si verè æstimamus, res est vna tam eximia, tamque homini salutaris, vt quantumvis grauissimis sceleribus sit obstrictus, veniam impetrare, atque in pristinam Dei gratiam huius ope restitui possit: imò etsi contigerit repentè mori, sine copia Confessarij, aut vllius Sacramenti, de salute nihilominus

neuti-

neutiquam dubitandum. Contrà
verò si quis culpæ mortiferæ sibi cō-
sciū ē vita discedat, quamvis Attritionem
senferit (expers interim
Sacramenti) certissimum est ater-
nis ignibus mancipandum.

DISCIPVLVS.

*Quid discriminis est inter Contritionem & Attritionem? tametsi enim
distinguere ipse non possim, tamen vi-
deo immane quantum inter se distent.*

DOCTOR.

Distingui commodè altera ab al-
tera non potest, nisi prius vtrius-
que vis ac natura penitus cognos-
catur.

DISCIPVLVS.

Rectè. Quid igitur est Contritio?

DOCTOR.

Contritio est perfectus animi
dolor ob offensum Deum, quem, vt
summum bonum, summè, seu super
omnia diligere tenemur. qua qui-
dem definitione fundamentū Con-
tritionis statuitur. Amor Dei super
omnia, iuncta cōsideratione supre-

mæ bonitatis ac benignitatis diuinarum perfectionum : inde siquidem, velut è fonte, manat ille dolor, què dicimus, ob offensam tantam, tamque inexhaustam Dei bonitatem. Vtèrius porrò principium eius satis patet esse fidem diuinam, sine qua impossibile est placere Deo.

DISCIPVLVS.

Satis assequi videor quæ dicis de Contritione. Iam quid est Attritio?

DOCTOR.

Est dolor animi de peccato, non præcipuè ille quidem fundatus amore Dei super omnia; sed ortus ex timore æternæ damnationis, vel consideratione fœditatis peccati, vel huiusmodi alijs causis. Intelligis iã præcisè in quo discrepet Contritio ab Attritione? illa potissimū nititur amore Dei, hæc timore pœnarum, aut simili aliqua consideratione.

DISCIPVLVS.

Intelligo. sed illud etiam expone, an dolor ille ex metu pœnarum aut aliunde conceptus, vt dixisti, bonus censend us

sendus sit, an inutilis ac malus?

DOCTOR.

Nequaquam inutilis, aut in vitio ponendus, sed bonus est ac donum Dei, quo anima præparatur, atque exsurgere incipit ad statum gratiæ: inuoluit quippe odium peccati, ac propositum emendationis. Cæterum non est perfectus dolor, sicut Contritionis; quia non informatur amore Dei perfecto. hinc Attritio vocatur seu Contritio imperfecta.

DISCIPVLVS.

Si quis confiteretur ritu Catholico, sed sola instructus Attritione, vtrum is peccatorum veniam, ac Dei gratiam obtinere possit?

DOCTOR.

Omnino, quia virtus Sacramenti, Vt Theologi loquuntur, facit ex attrito contritum. quæ ratio quoque inter optimas vna est, cur expediat crebrò confiteri, vt attritionis defectum suppleat vis Sacramenti.

DISCIPVLVS.

Nimirum hinc colligo, me posse, vt Dei gratiam consequar, contentum esse actibus

actibus attritionis, crebrior modò Confessio accedat: quandoquidem Contritio perquam difficilis est, & conatus validos requirit.

DOCTOR.

Rectè ac salutariter feceris, si frequenter sacra confessione animam expiaris: sed illi non minus prouidè & consultò, qui frequentes etiam actus Contritionis elicere adsuescunt. nam etsi contritio sola diuinæ gratiæ impetrandæ sufficiat, absque Confessione, (voluntas modò adsit eius obeundæ quo tempore præceptum vrgebit) tamen cum illa sit admodum difficilis, vt nosti, semperque in huius vitæ caligine, ac tenebris, animò suspenso ac dubio fluctuandum sit, veramne contritionem habeamus, nec ne; oportet nostræ contritioni iungere Sacramentum Confessionis, ne in negotio æternæ salutis ea quæ sunt parum tuti sectemur: at quanto etiam magis necessarium est salutare hoc Sacramentum usurpare, quotiescūq; apparet dolorē nostrum non esse nisi attritionem

ritionem, sed contritionem imperfectam? itaque grauitè hallucinarius, dū te dicis Attritione cōtentū, aliud nil magnopere requirere.

DISCIPVLVS.

Ego verò à te expecto rationem tuæ assertionis, vt me probes hallucinatum.

DOCTOR.

Ratio in promptu est, non enim statim, commissio peccato, ad manum tibi semper est sacerdos, cui illud aperias, vt absoluaris: quin imò accidere haud rarò potest, vt desit spatiū confitendi subita morte præuento (quis namq; illud tibi certò spopondit?) aut mille alijs vijs, Sacramenti pœnitentię expers, occulto Dei iudicio è vita abripiaris. Sed facte ritè confessū de culpis totius vitæ mori, ane ingens malū videtur tanto tempore pati Deum inimicum sibi atq; infensum, cū attritio tua te illi reconciliare non possit? ane damnum grauissimum,

omnia

omnia bonorum operum merita deperdere, quibus à primis initijs scelerum admissorum cumulari potuisses? quid est, si hoc non est, omnium lachrymis deplorandum?

DISCIPVLVS.

Capio intimis sensibus rationes tuas. sed num quas alias eiusdem generis habes?

DOCTOR.

Habeo. Sed hæc vna instar omnium ac peremptiora, vt dici solet, æstimanda est, quod vt verum sit attritionem vnà cum Sacramento sufficere peccatori ad statũ gratiæ extollendo: non tamen est certitudo fidei, qualis est, veram contritionẽ id validè præstare. atqui in negotio tanti momenti, à quo pendet salus animæ, tutiora semper eligenda quis non videt? Quæ cum ita sint, nescio profectò quid intelligāt qui hoc non intelligunt, quanti momenti sit contritio ad salutem.

DISCIPVLVS.

Tam amplè de bono contritionis disseruisti, vt de eius necessitate iam non ambi-

ambigam. illud verò ut cognoscam vehementer etiam atque etiam exopto, quo pacto ad eius perfectionem pervenire possim, quique sint actus eius particulares?

DOCTOR.

Tres omnino actus in ratione sui complectitur, dolorem, propositum, petitionem.

DISCIPVLVS.

Agedum de primo doce quid sentias, atque ita doce, ut idem ipse sentiam.

DOCTOR.

Concipiendus est dolor animi appreciativè, ut dicunt, summus, ob offensum Deum, quia Deus est, id est omni amore, obedientia, & honore longè, longèque dignissimus.

DISCIPVLVS.

Quibusnam considerationibus dolor istiusmodi excitandus ac corroborandus est.

DOCTOR.

Diu, multumque cogitandum, quàm inestimabile bonum lethali culpa nobis pereat, nimirum divina gratia, quæ omnia bona creata digni-

dignitate transcendit: eoque iactura illius maximè ponderanda ac deplo-
randa est, propterea quod cæte-
rorum omnium bonorum iacturam
magnitudine superat, quantumvis
omnia simul iungas, opum affluen-
tiam, honores, bonam valetudi-
nem, vitam ipsam. Secundò perpen-
di possunt cætera quoque peccati
mortiferi damna, cuiusmodi sunt,
nos ea re constitui capitales Dei
inimicos, mancipia Sathanae, fœ-
dos atq; instar malorum dæmonum
execrabiles, reos æternæ damnatio-
nis; quæ si singula per se tanta, tam-
que horrenda sunt, vt omnia huius
vitæ mala, damna, tormenta in vnũ
aceruatim collecta, infinitè exce-
dant; quid simul omnia conglobata
nostris animis permouendis pote-
runt? Quocirca non vanè dixi dolo-
rè de peccato, tanquã summo malo,
summum quoque esse oportere, de-
inde si vel vnicum peccatum tot
malis stipatum sit, quid erit innu-
meris animam obstrictam gerere?

DISC-

DISCIPVLVS.

Dei primo actu satis. explica secundum.

DOCTOR.

Is est. firmum emendationis propositum, manans itidem ex amore Dei super omnia: nihil ut sit in rebus humanis tam expetendum, nihil tam reformidandum, ut, ad peccatum iterandum inducere velet: quandoquidem (ut supra commemoratum est) nihil est æquandum bono quod peccando perditur, nihil quoque malis ac detrimentis æquiparandum, quæ incurruntur.

DISCIPVLVS.

Atqui illud propositum generale est, opinor, quod explicasti; num qua specialia sunt in hoc inclusa atq; inuoluta?

DOCTOR

Planè multa sunt, quæ quasi partes sub hoc genere continentur: exempli gratia, propositum restituendi cuique quod suum est, & Dei mandata, Ecclesiæque pariter omnia obseruandi; voluntas item mun-

tis.

nus suum probè exequendi, nihil ut desideretur quod officij ratio exigat; voluntas peccata ipsa, etsi contritione deleta (quod incertū semper manet) clauibus Ecclesiæ subiciēdi in Confessione, ad minus ubi tempus præcepti aduenerit; voluntas poenitentiam iniunctam implēdi, & quo plenior satisfactio adhibeatur, se suaque omnia Deo offerendi, eiusque gloriæ deuouendi; voluntas deniq; occasiones peccati proximas euitandi.

DISCIPVLVS.

Iam quis tertius actus contritionis.

DOCTOR

Petitio certa cum fiducia obtinēdi à Deo veniam peccatorum, gratiam emendationis, perseuerantiam in bonis operibus vsq; ad mortem.

DISCIPVLVS.

Ecquod fundamentum est talis petitionis ac fiducia?

DOCTOR.

Nitimur tum bonitate ac misericordia Dei infinita, tum Christi Domini ac Seruatoris nostri meritis,

quæ

quæ nobis pretiosissimi sanguinis effusione, atque acerbissima morte peperit.

DISCIPVLVS.

Gaudeo, & gratulor nobis de tanta contritionis excellentia. atqui trade mihi etiam praxim quandam ac methodum eorum quæ dixisti, quæ quotidie vti ac frui possim Virtutis siquidem laus omnis in actione consistit.

DOCTOR.

Praxis optima contritionis exercendæ est per modum orationis, qua tibi iam præibo.

EXERCITIUM CONTRITIONIS.

DOMINE IESV CHRISTE verè Deus & homo, creator pariter ac redemptor.

I. ACTVS.

1. Doleo ex intimo corde me offendisse diuinam tuam maiestatem quia tu es Deus meus & omnia, quæ super omnia diligo & colo.

2. ACTVS.

2. Proinde firmiter statuo ac propono

pono me non amplius te offensurū,
sed omnes peccandi occasiones pro
viribus deuotaturum: me insuper
de noxis meis rite confessurum, &
penitentiam, quæcunq; impone-
tur, impleturum: ad pleniorē ve-
rò Satisfactionem, hodie tibi me i-
plum offero, vitam meam, & mea
omnia, & omnes labores meos.

3. ACTVS.

3. Et quemadmodū rogo te sup-
pliciter & flagitio veniā delictorū
meorum, ita confido me eam impe-
traturū, per infinitā misericordiam
ac benignitatē tuā, per merita quo-
que pretiosissimi sanguinis ac san-
ctissimæ passionis tuæ: daturum te
gratiam emēdandi vitam meam, &
in bono perseuerandi vsque ad fi-
nem. Amen.

DISCIPVLVS.

O præclarissimam doctrinam! o con-
siliū diuinum! sed quoties, quæso, in
opere præstandum censes?

DOCTOR.

Ex usu fuerit quotiescunque se
homo

CONTRITIONIS. 75

homo, quâ est fragilitate, lapsum aduertet in peccatum, hoc pacto contritionem elicere: nequando fortè improuisa morte occupatus, minimo momento ad æterna supplicia detrudatur; vel saltem, ne vel tâtillum maneat in detestabili statu peccati. Quin etiam expediet quotidie, vt minimum, bis id ipsum exercere, manè & vespèri, ne quâ fortasse incuriâ, quod tanti momenti est, salutis nostræ negotium in discrimen adducatur.

DISCIPVLVS.

En, hodie firmissimè apud me constituo, ne vel transuersum vnguem à consilio tuo tam salutari discedere. precor etiam Deum Opt. Max. vt mercedem, quam hac opera in me instituendo posita exigit, tibi aliquando reponat. Dic tu quoque, amabo te, in quo ego vicissim tibi gratificari possim.

DOCTOR.

Deus tibi det gratiam ac robur vt semper in hac animi sententia perman eas. Ora tu Dominũ Deũ pro me vt quod te voce docui, opere

E

item

idem ego quoque implere possim, quoad vixero qua ratione ac via pariter, spero, ad portum nostræ salutis, ad celestem illam Ierusalem exultantes, ac gaudijs triumphantes pertingemus; vbi eternum simul erimus, vbi videbitur Deus deorum in Sion.

Ad maiorem Dei gloriam.

DE FREQUENTI
CONTRITIONE,
SIVE,

Rationes aliquot è medio sumptæ, quibus pia consuetudo commendatur crebrè excitandæ Contritionis, manè saltem ac vesperi.

I. RATIO.

CUM initium sapientiæ sit timor Domini vt sacræ Scripturæ monumenta testantur, nihil antiquius, nihilque prius ducere peccator debet, si recte atque ordine ex diuinæ sapientiæ præscripto vitam instituere.

tuere decreuerit, quā vt sepiſſimē cum Deo ſuo in gratiam redeat. hīc ſtudioſum, hīc cogitationem quotidie deſigat, in hoc omnes corporis animique neruos contendat.

2. Alia omnia pia exercitia, quantumuis ſancta ac ſalutaria, neceſſe eſt hoc Contritionis exercitio, tanquam fundamento omnis pietatis, nitantur ac fulciantur: ſine quo ſatis ipſa eſſe non poſſunt ad ſalutem, cūm Contritio, nullis adminiculis, ſit per ſe ſatis. quocirca potius huic virtuti tanti momenti, tantæque neceſſitatis, quā vllis alijs omne ſtudioſum noſtrum impendi oportet.

3. Cætera quoque pietatis exercitia, neſcio qua hominum ignorantia, ſubinde nimio opere, & vltimā quā ſatis eſt commendantur in vulgus: vt ſimplices aliqui ac rudes, dum ſibi perſuadent hęc abūdē ſufficere, atq; omnia in ijs poſita eſſe, facile, in fraudem adducantur. Ex quo fit, vt ad cohibendos ac reprimendos effrēnes appetitus, ad

mores probè informandos, vitam-
que serio emendandam animum
non adijciant. Contra verò, hæc pia
cōsuetudo, de qua loquitur, cum om-
nem culpam mortiferam procul
amoveat, & ad morum reformati-
onem tantopere conducat, non po-
test dignè satis præ ceteris laudibus
affici, aut prædicatione efferri.

4. Theologorum quorumdā gra-
uissimorum sententia est admodū
probabilis, in periculo mortis nos
astringi peculiari præcepto Contri-
tionis pro viribus eliciendæ, ne-
que Attritionē absolutè sufficere,
vt infra etiam vberius dicemus.
Quod cum ita se habeat, quicūque
hanc artem Contritionem excitandi
omnium difficillimam sanus atque
incolumis non didicerit, ve-
rendum est, ne frustrā eā exercere
nitatur defectis viribus in extremo
spiritu, dum ingruent atque inuale-
cent gemitus mortis: Itaque dum
vivimus ac valemus viribus etiam-
num integris, quantū cura, labore,
vigilijs animi, corporisque viribus
eniti,

eniti, atque efficere poterimus, hanc artem, animi exercitationem, hanc philosophiam quotidie excolamus atque amplectamur, nominatim matutina ac vespertina; aliosque ad eandem consuetudinem validissimè incitemus.

5. Cum omnis dies, omnis hora, quàm nihil sumus ostendat, quàm fallax vita, quàm omnia fluxa, & caduca, & incerta; illud verò certum ac fide tenendum: nemini ad salutem aditum patere cum peccato mortifero, nisi per veram contritionem resipiscat, statuatque ritè cōfiteri, cum necesse fuerit; nihil certè quidē melius, aut salutarius fingi potest, quàm hac pia consuetudine frequēter cōtractas animi labe abstergere, quo securiores simus.

6. Quamvis iuxta communem Theologorum doctrinā, homo pœnitens vi Sacramenti ex attrito fiat contritus; tamen neque omnibus suppeditat spatium sacra cōfessione animam purgādi, nequē ita prorsus expedita & obuia est attritio illa,

quæ requiritur, vt contritus quis ex attrito fiat. quare cum accidere possit, vt multi, quâuis adhibita diligentia, ad hunc attritionis gradû non pertingant, quis non videt, quâ sit necessarium eò curam omnem, & cogitationem cōvertere, vt quotidie contritionē, quantum quidem in nobis situm est, excitemus?

7. Quantumuis licet iam dicta Theologorum sententia de attritione iuncta sacramento, satis tuta ac certa sit; non tamen est articulus fidei, proinde in re tanti momenti, vnde pendet animæ salus consultum non est in hac certitudine omnino conquiescere; sed potius vltius adnitendum, opitulante Dei gratia, ad veram ac perfectam contritionem, quam certissimum est, ac fide definitum, sufficere ad salutem consequendam.

8. Tametsi etiam summa sapientia, ac bonitas Dei Creatoris, ac Domini nostri sit, quæ circa Sacramenta (præsertim quæ maximè necessaria sunt) sine dubio providebit,

bit, nequis ordinariè contingat error ex parte Ministrì, qui certè vergeret in graue detrimentum ea usurpantium: tamen negandum non est, quin aliquando defectus aliquis interueniat: quem quidem ut contritio vera supplere potest, ita nullum aliunde supplementum est sperandum.

9. Colligitur ex dictis, nihil in rerum natura inueniri, excepta contritione, quod nobis de salute nostra securitatem parere possit: contra verò, hanc solam (ut cætera omnia desint, nulla tamen nostra culpa) nos de æterna beatitudine, quoad eius fieri potest, securos reddere. Ex quo perspicuū est, quo numero & quo loco pium hoc exercitium habendum sit, & quotidie vsurpandū. Et cum Concionatorū omnium atq; Confessariorum munus sit, teste Apostolo, animas Deo reconciliare; neque id alia ratione ac via melius effici possit, quàm frequentì Contritione sordes peccatorum eluendo; quanti referre æstimabūt

E 5 suis

fuis confilijs, auxilijsq; omnes ad id inducere, atque inuitare?

10. Quandoquidem voluntatem timentium se facit Dominus, & in gratiam decem duntaxat iustorum paratus fuit parcere Sodomæ & Gomorrhæ, alijsq; eiusdem regionis ciuitatibus; quo certo habendum est, si praxis ista spiritualis, tam sancta tamq; salutaris, ac Deo grata studiosè obseruetur, alijsq; eadem commendetur; Deum huius vniuersitatis parentem, ac moderatorem, vindicem illam dexteram à supplicijs retracturū, quæ nobis ob peccata interminatus est atque auream potius bonis omnibus cumulatissimam pacem, ac benedictionem benignè largiturum.

11. In vniuersum, ad omne bonū amplectendum, vitiumq; fugiendum, nullus est stimulus acrior, aut efficacius incitamentum spiritu compunctionis, qui paulatim hoc exercitio Contritionis comparatur: particulatim verò ad vitæ rationem

nem bene, beateque instituendæ,
ad curandas animorum ægritudi-
nes, quibus humanum genus gra-
uissimè affligatur, ad prauos habi-
tus radicitus, exstirpandos, ad cor-
pora victus cultusque asperitatibus
edomanda; ad continentiam in pros-
peris, patientiam in aduersis; ad ma-
iorem in via virtutis progressum, ad
iniurias inimicis nostris generosè
condonandas, ad maiora in dies in-
crementa amoris erga Deum proxi-
mumque, ad assiduam gratiarum ac-
tionem pro diuinis beneficijs, maio-
rem in operibus misericordiæ fer-
uorem, perseverantiam in bono;
ad mortis, dolorisque contemptio-
nem, ad rerum fluxarum despicien-
tiam, & rerum cælestium flagran-
tissimū amorē, ad omnia deniq; vir-
tutū ornamenta, quibus animus de-
coratur. Quæ singula, ne lōgior sim
eiusmodi sunt, vt ad excitandū, in-
flammandumq; quemlibet torpen-
tem animū sufficere possint. E con-
trario verò quid est quod grauissi-
mos plurimorum lapsus (prò dolor)

ape Ecclesia deplorare cogitur, quos multorum annorum laboribus in omni virtute probè exercitatos solatio sibi, ac subsidio fore sperabat; quid causæ est, inquam quod ita in vitiosissimos mores degenerant, nisi huius rei neglectus, dum spiritum contritionis exarescere ac penitus tandem extinguipatiuntur, nec Spiritus sancti monitis parent, dum ait, *De propitiato peccato noli esse sine metu*? Ex his itaque manifestissimum fit per magnū in hoc exercitio momentum, ac fructus.

EXAMEN.

CONSCIENTIÆ
vtilissimum.

Constans tribus partibus videlicet.

Proposito matutino, vigilātia diurna, & disquisitione vespertina.

MANE.

Necessè est in primis cognoscat homo, penitusq; perspectum habeat
pra-

precipuū aliquod vitium ad quod maximè est proclius. quo cognito oportet aduersus illud pugnā capeffere, donec Deo duce bellatum sit. Itaq, matutino tempore statim dum à somno surgit actis Deo gratijs quod eum illa nocte conseruare, ac protegere ab omni malo sit dignatus, flexisque genibus Contritione, vt supra explicatum est, excitatâ, huiusmodi propositum apud se firmabit, hoc pacto:

Domine Iesu Christe, Deus cordis mei, desidero, volo, firmissimè propono, fretus auxilio gratiæ tuæ, vitam meam omnem, corporisq; & animi vires tuo seruitio mancipare, ac mori potius acerbissima morte millies, quàm vt sciens volensq; in posterum maiestatem tuam vel leuiter offendere audeam, præsertim illo peccato quod me maximè premit.

INTERDIV.

Eo die, omni mentis prouisione curandum est, vt inconcussum atque illibatum seruetur propositum matutinum; idque renouandum est quàm se-

piſſimè, verbi gratia, dum auditur hora, ipsis actionū initiis, in egressu foras, in tentationibus aut in repentinis tentationum periculis. quo tempore præter hanc propositi renouationem, ex vsu fuerit etiam armaturam signi Sanctæ Crucis vsurpare, aut sanctissimi nominis Iesu, aut Mariæ; susa insuper precatiūcula, quæ maximè placebit ac consentanea iudicabitur: in summa, nō est à prælio desistendum, quoad obtineatur victoria.

Sicui interdum quæ est humanæ naturæ imbecillitas, contigerit labi, ne immodico se morore affligat, neque languescat in incepto, sed animum erigat, feriat pectus, aut manu cordi admota veniam petat in hunc modum.

Hei mihi, bone Iesu, quid fecisti parce mihi peccatori, parce per merita pretiosissimi sanguinis tui, doleo intimis sensibus me diuinam tuam maiestatem offendisse, quia tu es Deus meus; & ipsa bonitas suprema. ah vtinam & bis vtinā morte immanissima millies ablata mihi hæc vita corporis potius, quàm
vita

vita gratię per culpam fuisset. Confirmā cor meum Deus & da grati
vt possim de hoc peccato cōfiteri; &
seriō me rursus emendare.

Hæc ita faciat quotiescunque lapsus
fuerit, sed efficaciter, & ex animo, cum
sensu pietatis: simulq; propositū matu-
tinum subiiciat oculis, nouamque atq;
adeo maiorem sedulitatem, & curam
sibi imprimat culpæ omnis vitandæ.
Porro licet in idipsum omne eius studi-
um ac contentio feratur, ne tamen im-
moderatè ferat, vt dixi, si deliquerit,
neque patiatur propositum flaccescere;
sed potius animosius, & maiore nisu
contra pugnet: sicuti qui in voraginem
ceciderit, ac sæpe ceciderit, non trahet
moram, aut ineptiæ se dabit, sed quam-
primum exsurget, ac se proripiet ad
sordes abluendas: ita in proposito.

Sapiens quoque Sanctorum consili-
um est, vt memoria causa signum ali-
quod circumferat, aut notam quam-
piam occultè apud se cōstituat, quoties
id peccati seu delicti genus commi-
serit, siue superarit; quo facilius
sub

sub noctem in Examine eius diei rationem ab anima sua exigere possit.

VESPERI.

Antequam se componat ad quietem, flexis genibus, si fieri potest, aut quanta poterit maxima cum reuerentia in se inquirat, id est, in eius diei omnia dicta, facta, cogitata, hoc modo.

1. *Prima pars sit gratiarum actio huiusmodi: Maximas & immortales, ô mundi cōseruator, & Rector Deus, tibi gratias ago pro innumerabilibus diuinæ tuæ liberalitatis beneficijs, præsertim quibus à te hodie sum affectus, pro vita corporis, & animæ, pro naturæ nobilitate, quam me cæteris animantibus præstantiorem esse voluisti; quodque longè amplius est, pro vita & sanguine tuo pro nobis effuso; pro incomparabili dono gratiæ tuæ, alijsq; omnibus, seu temporalibus, seu diuinis muneribus tuis, quibus nos tibi arctissimo Charitatis vinculo hætenus denincire conatus es; pro tēpore hoc deniq; quod mihi ad excutiendā conscientiam meam cōcessisti.*

2. *Sequi-*

2. *Sequitur Petitio hoc modo ?* Aperi, Domine, oculos meos, ut videam delicta mea : & robur anime mee suppedita, quo illa possim generose detestari.

3. *Cum in semet ipse descendet, ac memoria repetet quoties in vitium illud, quod corrigendum suscepit. sit lapsus, quoties verò adhibito studio victoriam reportarit ; item horas diei omnes percurrent, & tanquam Iudex, cognitionem exercebit omnium illius diei actionum, locutionum, cogitationum, atque etiam omissionum præsertim quibus Deum offendit : denique occasiones & pericula peccandi, in quæ fortè incurrit, serio perpendet.*

4. *Maximo animi sensu ac submissione agnoscet misérias ; infirmitatem, malitiam suam : & capite, oculisque modeste deiclis dicet : O Clementissime Domine, pudore suffundor, quod in tanta bonorum operum penuria, tot errata, tot peccata inspiciam, exceptis etiam quæ vel incuria, vel ignoratio tegit. Debeo tamè (& quod fateor) diuinæ tuæ bonitati*

tati gratias, quod me ab innumeris alijs sceleribus præservâris, in quæ naturæ meæ infirmitas, nisi occulta vi gratiæ tuæ obtitisses, facile toto impetu corruisset.

5. *Ad extremum pectus tundendo, & vehementissimum dolorem animo concipiendo petet veniam, statuetq; firmissimè emendare quæ peccavit, occasiones quoque & pericula omni cura declinare. Hic tres itaq; actus Contritionis eliciantur vt sup. pag. 73. Domine Iesu, &c.*

T R I A

D O C U M E N T A
PER QVAM OPPOR-
TUNA.

Cum examen hoc Conscientiæ tanti momenti sit, tantiq; ponderis; sedulò curandum, vt eius consuetudo nunquã intermittatur; sed ratione eius, ac praxi penitus perceptâ, quotidie vsurpâda est: simulq; rogâdus Deus ter maximus, vt gratia ac lumine cælesti iuuet.

2. Nullum sit impedimentum,
aut

CONSCIËNTIAE. 91

aut occupatio tam grauis ac seria,
quæ huic rei obftet: sed quotidie, di-
ctis horis, dissipatis licet in varias
curas, & cogitationes animi viribus
tanquam receptui canedum. quod si
contigerit somno occupari ante-
quàm hoc officij præstitum sit; exper-
giscenti hæc prima cura sit, vt fiat.
Vbi autem plures vel sanguine iun-
cti, vel contubernales & socij coha-
bitant, ad id se mutuò impellant &
verbo, & exemplo.

3. Dies cum die conferatur, heb-
domada cum hebdomada. menses
inter se, annique singuli. qui cur-
sus ad candorem animi, & perfe-
ctionem certissimus est.

*Quâ ratione ac via hæc pia consuetudo
inualescere, atque in vulgus e-
manere possit.*

A Pud se quisque pro virili sua
seriò ac constanter hanc ser-
uare decernat manè ac vespere;
multâ etiam sibi indictâ, quoties-
cunque eam contigerit infringi id-
ipsum paterfamilias liberos suos
doce.

doceant, domini seruos, & sic alij alios.

2. Cùm non modò priuatis hominibus, sed & Reip. etiam ad omnem morum honestatem, & ad omnem virtutum accensionem multiplicè afferat vtilitatem; Superiores omnes cùm ciuiles, tum Ecclesiastici, præcipiant Ludimagistris Trivialibus, iuxta ac Latinitatis professoribus, vt discipulos suos, pro captu suo quemque, hac ratione instituant, atque ad vsum informant.

3. Pastores omnes, ac vicarij eorum, Concionatores quoq; & Confessarij è pulpitis ac subsellijs suis multitudinis animos ad id omni studio inuitent.

4. Episcopi, Toparchæ, alique Magnates curèt typis excudi maximo numero libellos, seu folia maiora huius ipsius argumenti: distribui item gratis, & quauis ratione spargi in vulgus.

5. Quicunque Reipub. Præpositi, partem eius aliquam aut curam sibi demandatam sustinent, vt triremibus, ca-

bus, castris, carceribus, nosocomijs, & xenodochijs, opportunè, importunè rogent, obsecrent, impellant, imperent, vt ad pulsum campanæ, aut alio modo, etiam alta voce fortassis, Contritionis exercitium, vt explicatum est, obseruetur.

6. Ecclesiastici denique, ac Religiosi, quando operâ, & consilio iuant moribundos, vt cymbam suam ad portum salutis appellant, & plenius velis ostia paradisi inuehantur, idem curent, cum erga illos, tum alios præsentis: doceantque quomodo elicienda Contritio, non in illo modò temporis articulo, sed quotidie, & in omni vita.

Hæ sunt rationes, quæ occurrunt, hæ adiumenta præcipua, quibus corrupti hominum mores ad integritatem reuocentur. Ita quæ utilissima factu visa sunt; quæque multis vsui fore credidi, quàm paucissimis potui, suggessi. alia alijs suggeret spero Deus, non mi-

94 EXAMEN CONSCIENT.
*nus idonea, vel opportuna: quem rogo,
ut vestros conatus bene fortunet, ac ra-
tos, gratosq, habere velit, ad sui
Nominis gloriam, & compluri-
um animarum salutem.*

AMEN.

Ad maiorem DEI gloriam,
ac Deiparæ Virginis
Mariæ.

TRA.

TRACTATVS

De
CHRISTIANIS
OPERIBVS.

Authore

FRANCISCO BORGIA
GANDENSI

Duce,

Postea

Tertio Societatis Iesv

PRÆPOSITO
GENERALI.



COLONIÆ,
Apud Ioannem Kinckium,
ANNO M. DC. XV.



TRACTATUS

DE

CHRISTIANIS

OPERIBVS.

ARGVMENTVM.

TRia sunt, quibus exerceri animam conuenit, vt eius opera in diuina Maiestatis conspectum ascendere mereantur. Ea verò sunt: Primum, vt se in singulis rebus confundat: Secundum, vt Deo gratias agat: Tertium, vt aliquid à Deo petat. Quibus quidem etsi in omnibus vti possit, nos tamen ea his solum accommodauimus; quæ quotidiana sunt. Tu verò Lector, ex his possis faciliè intelligere, quemadmodum te in reliquis gerere debeas. Vt ergo à primis incipiamus.

Cùm te manè vestibus induis.

Confusio.

Confundere, quod te induas, cùm Christus in cruce nudus tuâ causâ sit.

Gratia.

Gratiarum actio.

Gratias age, quòd nostram ille
humanitatem pro nobis induit,
quos sciebat, quàm essent beneficio
tanto futuri ingrati; quodque nos
gratiæ, quam sæpe lacerauimus, ve-
ste induit.

Petitio.

Petas autem, vt quando te indu-
ens, nudum vestis, sit ei gratum hoc
misericordiæ opus, atq; id eum per
eam ignominia vestem obtestare,
quâ ab Herode indui iussus est.

CVM AVDIENDI SACRI
causâ templum adis.

Confusio.

Quòd Deum, imperfectus ipse,
laudaturus templum adeas, quem
perfecti Angeli perpetuò laudant.

Gratiarum actio.

Quòd cùm ex eius domo peccatis
abstractus tam sæpe abieris, reuocat
ille tamen toties te, & stans ad o-
stium pulsat.

Petitio.

Vt per eam charitatem, quâ bea-
F tissima

tissima virgo filium in templo præsentavit, tu Deo præsentari, & Spiritus sancti templū effici merearis.

CVM ORAS.

Confusio.

Confidera tuorum peccatorum multitudinem, & cum Publicano dic: *Deus propitius esto mihi peccatori.* LUC. 18.

Gratiarum actio.

Quòd pro te Christus orârit, idq; impetrârit, vt cū tu oras, exaudiaris.

Petitio.

Vt per eam orationem, quam in deserto pro peccatoribus fudit, ea dignetur dona concedere, quæ nos oratione Dominicâ petere iussit: recitabis verò eam semel.

CVM SACRVM AVDIS

Confusio.

Quòd ad id te negligenter præparaueris, vt Deo in Sacro assisteres, quodque beneficij huius continuatio, quæ te debuit magnopere permouere, vt id magnifacias, (est enim immensæ Christi charitatis argu-

OPERIBVS. 99

argumentum) ipsa negligentem,
adeoque ingratum reddiderit.

Gratiarum actio.

Quòd te Angelum efficit , si viuâ
eum , quem adoras , fide confiteris.
Est enim Angelorum Deo assistere
eumque sine intermissione laudare?

Petitio.

Vt per illud sacrificium, cuius hoc
monumentum est , sui sanguinis ti-
bi merita impertiat , tibi que huius
sacriñcij virtute eam lachrymarum
copiam det , quibus peccata abluas,
faciatq; vt mortuo in te veteri ho-
mine cum Christo insurgas.

CVM MENSÆ ASSIDES.

Confusio.

Quòd eius pane vesceris , cui in-
fidelis , & ingratus fueris.

Gratiarum actio.

Quod te , cùm ipsius inimicus
esses , hactenùs enutrierit.

Petitio.

Vt per eum amorem , quo in de-
serto turbas paucis panibus satura-
uit, suæ gratiæ pane te quotidie pa-
scat.

110. DE CHRISTIANIS
IN NEGOTIIS QUAE AD
nostram, vel proximi utili-
tatem pertinent.

Confusio.

Quòd nos nostram, vel proximi
causam Deus agere velit, qui nobis
ipsi, atq; alijs sæpe detrimenti causa
fuerimus: cùm præsertim tanti mo-
menti sit proximorum utilitati stu-
dere, vt eâ causâ Christus in hunc
mundum venerit, vt nostram vide-
licet & proximorum causam a-
geret.

Gratiarum actio.

Quòd cùm his ipse negotijs ni-
hil indigeat, ita ei tamen, quasi in-
digeret, grata sunt.

Petitio.

Vt per eam charitatem quâ dixit:
in ijs oportere se esse, quæ sui patris
essent, eam nobis gratiam concedat,
vt in his semper simus quæ ad eius
gloriam & honorem pertineant.

CVM VESPERI ORAS.

Confusio.

Quòd Deum alloqui debeas,
quem

quem tremantes dominationes, & potestates adorant.

Gratiarum actio.

Quòd ad ornandum animum nobis dans iubet, vt à se petamus.

Petitio.

Vt per eam voluntatis suæ cum Patris voluntate consensionem, qua in horto sanguine sudans Patri dixit, *Non quod ego volo, sed quod tu.* Mat. 26. diuinæ voluntati conformes & in vita & in morte esse mereamur.

CVM COENAS.

Confusio.

Ob negligentias eo die commissas: quare dolens comede, & dic cum Propheta: *Fuerunt mihi lachryme meæ panes die ac nocte.* Psalm. 41.

Gratiarum actio.

Quòd de prandij beneficio ingrato coenam præparauerit.

Petitio.

Vt per eam Charitatem, quâ se in vltima coena in cibum dedit, nos præparet, vt se humiliter recipiamus, eiq; semper charitatis vinculo coniuncti simus. F 3 Cum

CVM ORAS CVBITVM
iturus.*Confusio.*

Quòd cùm Christus in cruce tanto & amore, & dolore pro te preces fuderit, tu tamen parum ames, parumque doleas.

Gratiarum actio.

Quòd moritur illè, & tu viuas.

Petitio.

Vt per eum dolorem quem sensit ipse quidem moriens, eius verò mater morientem aspiciens, id nobis concedat, vt & in morte nostra mortis ipsius recordemur, & propter ipsius mortem nostra sit æterno patri accepta.

CVM TE NOCTV VESTIBUS
exuis.*Confusio.*

Quòd requiescere in lecto vis, idque exutus vestibus, cum pro te Christus & indutus vestibus somnum ceperit, & vbi caput reclina-
ret non habuerit.

Gratiarum actio

Quòd

Quòd ijs quæ pro te passus est, tibi veterem hominem exuerit.

Petitio.

Vt per eum dolorem quem sensit cùm vestibus crucifigendus exueretur, nos malis mentis habitibus, & moribus exuat, vt nudi rebus terrenis crucem amplectamur, atque in cruce morientes nuptialem vestem mereamur, quam præparauit æternus Pater diligentibus se.

FINIS PRIORIS

EXERCITII.

Quia verò longum esset exercitiij huius formam ad omnia nostra opera accommodare, hac satis sint, ex quibus quemadmodum reliqua, ad hanc normam exigenda sint, facile colligi possent. Quòd si cui placet in cæteris etiam exerceri, hac, quæ sequitur, formam uti poterit.

Cùm stat.

Meminerit stantis ante iudicem Christi.

Cum sedet.

Sedentis Christi, cùm ei illuden-

104 DE CHRISTIANIS
tes impij dicerent: Auerex Iudæ-
orum.

Cùm ambulat.

Per Samariam transeuntis, item-
que in Caluariæ montem ascen-
dientis.

Cùm defatigatur.

Defatigati ex itinere, & super
fontem sedentis.

Cùm equo insedit.

Vecti asino, atq; Hierosolymam
ingredientis.

Cùm agrotos inuisit.

Aegros sanantis.

Cùm eius bona opera reprehenduntur.

Accusationis Iudæorum, & mur-
murationis, quòd Christus in Sab-
batho curaret.

*Cùm ei ab aliquo asperius respon-
detur.*

Eius responsionis, *Sic respondes
Pontifici* ? eius etiam colaphi, quem
in Christi faciem sacratissimam im-
pius minister impegit.

Cùm fame premitur.

Eius quam in deserto passus est.

Cùm

Cùm friget.

Argentis in præsepio Christi.

Cùm sitit.

In Cruce sitientis.

Cùm excitatur à somno.

A suis discipulis, cùm in nauì
dormiret, excitati.

*Cùm in aduersis deseritur ab
amicis.*

A fugientibus discipulis de-
stituti.

Cùm discedit ab amicis.

A Virgine ad passionem abeuntis.

*Cum eius bonis operibus de-
trahitur.*

Detractionis Iudæorum, cū dice-
rent : In principe demoniorum eijcit
dæmonia.

*Cùm publicè contumeliàm.
patitur.*

Producti ad populum à Pilato,
dicente : Ecce homo.

Cùm falsò accusatur.

Accusati in domo Cayphæ.

Cùm iniuriàm patitur.

Ad mortem iniquissimè con-
demnati.

F. 5.

Cùm:

*Cum dolore aut morbo gra-
uatur.*

Flagellis cæsi ad columnam, spi-
nisque caput cincti, atque in crucē
addicti, ubi à planta pedis ad verti-
cem non erat in eo sanitas.

*Denique cum morti propin-
quus est.*

Morientis Christi recordetur, at-
que in Patris manus spiritum com-
mendantis.

*Atque ita in omnibus CHRISTO,
quem similia aut fecisse, aut pati me-
minit, sese offerat. Ita ex his, & simi-
libus effectibus, magnum, qui se ex cha-
ritate hoc modo diligenter exercebit,
fructum referre poterit.*

Porro quia, hactenus ferè exte-
riorum rerum exempla posita sunt, de in-
terioribus nonnihil etiam addendum
putauimus, idque in spiritualium præ-
sertim virorum gratiam, qui non tam
corporis quàm spiritus molestias, &
labores sentiunt.

Cum igitur à se datum ex chari-
tate consilium videt à proximo non
recipi: meminerit Christi etiam
consilia.

consilia fuisse à plerisque spreta.

Cum offendi passim Deum videns: agrè fert: vehementer commotum: Christum ex templo vendētes, atq; ementes aliquando eiecisse recorderur.

Cùm videt spiritualementem aliquem: amicū virtutis viam deferere: quid Christus senserit, cū Iudam vidit veritatis viam deferentem.

Cū considerat, quā pauci sint pastores in domo Dei, qui suo prodignitate munere fungantur: quid senserit Christus, cū dixit, *Messis quidem multa, operarij autem pauci.* atque ex ea causa quantū fleuerit.

Cum dolet ob defectus proprios: vidisse Dominum eos antequam essent, & doluisse.

Cū videt collapsū aliquem: ex perfectionis statu: quā Christus agrè tulerit casum Petri, qui se antea fuisset cōfessus Filium Dei, & transfiguratum in monte vidisset.

Cū temptationibus premitur: quas Christus tulerit in deserto.

Cū videt malis bonorum fo-

cietatem displicere : quo animo
Christus fuerit cum Gerasenos , ad
quos bonitate , & charitate permo-
tus venerat , rogantes videret , vt
ab illorum ipse finibus discederet.

Cum dolenter proximi alicuius
peccata : cogitet appropinquantem
Christum Hierosolymorum ciuitati
super eam fleuisse.

Cum imperfectam fidem habere
quenquam videt : meminerit dicen-
tem Christum discipulis , qui ob in-
credulitatem dæmonium eijcere
non poterant : *O generatio incredula ,
vsquequo patiar vos?*

Cum irrident bonos mali : dictum
esse Christo in cruce , *Alios saluos
fecit , se ipsum non potest saluum facere.*

Cum hi qui malè vixerant , mori-
untur : magnopere doluisse Chri-
stum videntem paucis suum esse
sanguinem profuturum.

Cum sibi deuotionis spiritum
deesse sentit : dicentem Christum ,
*Deus , Deus meus , vt quid dereliqui-
sti me:*

Cum Dei quis nomē blasphemat :
vidisse

vidisse id Christum olim, & doluisse.

Cum se familiaritate Dei priuari sentit, ei que cupit esse quam coniunctissimus, aut cum se huius vitæ periculis eripi optat: quanta illa fuerit Christi charitas, cum patrem pro re hac ita oraret. *Pater pro eis rogo, ut vnum omnes sint, sicut tu Pater in me, & ego in te, ut & ipsi in nobis vnum sint.*

Hæc, inquam, ita cogitanda, & cum quid accidit, id in mentem reducendum, quod Christus in simili statu constitutus senserit, ei quod nos vel agimus vel patimur, offerendum. Qua in re sedulans quisque debet operam ponere, nec sibi tantam salutis occasionem ablatam eripi sinere: aliquando non solum turpis negligentia, sed etiam insignis erit ingratitude nota, si quæ tam facile possumus assequi bona, parui faciamus. Quare te oro, moneo atque hortor, o anima, quaecunque es, ne tantum bonum negligas: sed cogites quam sit facile, quod a te exigit Deus, quanta verò largiri cupiat. Petit enim ex te

F 7

quæ

que etiam ipso non petente fueras factura: & ambulandum enim est, & comedendum, & laborandum, & egrotandum, denique ac moriendum. Quæ tu, & eiusmodi cætera, si tua aut mundi causa agas, vel patiaris, præterquam quod & laboriosa erunt, nullum ex his fructum referes, si autem Christi amore agas ac feras, & erit tibi leuior labor, (recreat enim Christus pro se laborantes) & ubi ipsa transactæ erūt, præmium accipies, quod nec oculus vidit, nec auris audiuit, nec vlla potest lingua enarrare. Quamobrem cōmittendū nullo modo est, vt tantam culpā nostra felicitatem amittamus: sed in id potius totis virib. incumbendum, vt Christum in omnibus imitemur. Ita fiet, vt illa nos subinde verba consolentur: Qui sequitur me, non ambulat in tenebris, sed habebit lumen vitæ: lucem videlicet illā, quæ illuminat omnem hominē venientem in hunc mundū, omnesq. beatos in vitæ æternæ portū feliciter perduxit. Quo nos Deus gratia sua tandē aliquando perducere dignetur, vt Patrē,
 Fili-

Filium, & Spiritum sanctum laudemus & glorificemus in secula seculorum. Amen.

EIVSDEM

AUTHORIS

COLLYRIUM

SPIRITUALE.

PROLOGVS.

EX damnis quæ nobis superbia affert, potest humilitatis fructus agnosci, quæ eò in Scriptura magis celebratur, quò magis est ad vitam Spiritualẽ inter virtutes cæteras necessaria; quippe quæ sit totius ædificij, spiritualis fundamentum. Parû enim profuerit, scientiâ, aut fortitudinem, aut libertatem, aut eiusmodi virtutes acquisisse, nisi eas quis humilitate cõseruet Etenim quid prodest Eleemosyna, quâ, cum destituitur humilitate, vanæ gloriæ vitium inficit? Quis porrò fructus ea quæ fortiter facta, putan-

putantur sequi potest, si humilitate careant hi qui ea gesserunt? Id quod de reliquis virtutibus dici possit, planè apparet magnum esse superbix detrimentum, idque vel ex eo agnosci potest, quòd hæc vna de cælo Luciferum deiecit, & hominem ex eo quo fuerat honore præditus deturbatum, similem iumentis effecerit. Quod cum ita sit, non puto esse necessarium, humilitatis virtutem magnopere commendare, sine qua, quod altum hominibus esse videtur, abominabile est ante Deum: tantum itaque ea tradam, in quibus si diligenter versemur, hanc poterimus virtutem facilius consequi; quam nisi diligenter custodiamus, quæ est inimicorum nostrorum in oppugnando dexteritas, facile erit amittere. Quare attentè quæ sequuntur considerata sunt ei, qui velit tanto hoc præsidio contra omne genus mali uti, de quo scriptum est. *Deus superbis resistit, humilibus autem dat gratiam.* Quod ut studiosè facias, amice Lector, id te mo-

te mouere possit, quod cum beatissima Virgo virtutibus omnibus cumulata esset, humilitatis tamen solius videtur meminisse, cum Dominum magnificans dixit. *Respexit humilitatem ancilla sua, ecce enim ex hoc beatam me dicent omnes generationes.* Quod cum ad humilitatis commendationem magnopere facit, tum illud quod Dominus præ cæteris virtutibus humilitatem, & mansuetudinem à se homines discere vult, quod certè omnes deberet maximè excitare ad diligenter in hac præcipuè virtute operam ponendam.

ARGVMENTVM.

CVM hoc vnum præcipuè nos soleat in superbiâ efferre, quod nobis plus æquo tribuimus: par est, tantum hoc malum, atque animæ detrimentum, quod ei sui ignoratio affert, contrario a debito remedio pollere. Quocirca ut solet aduersarius ea menti offerre, quæ hominis cogitationem dissipant, atque à sui cognitione auertunt: ita
con-

contra opus est, in his mentem assidue exerceri. eaque considerare, quibus in vera humilitate conseruetur. Quo vero ubique se possit defendere, quando undique oppugnatur. Tractatū hunc (quo id instituius docere, quo se quisq. pacto in spiritualibus rebus, atque corporalibus, quo etiam in exterioribus, atq. interiorib. possit confundere, id est de se ut debet humiliter sentire, seq. in omnib. humiliter gerere) ita dividemus, ut primo loco dicamus, quē admodū eorū quæ sub terra sunt, possit cōsideratione confundi: secūdo vero, ut ex ijs quæ sunt super terrā, inanimatis videlicet creaturis, atque ijs quæ vegetandi, & sentiendi vim habent, ex proximis denique atque ex se ipso humilitatis fructum possit reserre: postremo, ut ex ijs quæ in celo sunt, & super calū angelis nimirum, & Sāctis diuinā denique Maiestate, eundem confusionis fructum reportet: ita possit anima ubique & humilis esse & Deo placere.

(.:.)

PRIMA PARS.

*Qua traditur, quemadmodum eorum
quæ sub terra sunt, se possit anima
consideratione confundere.*

CONFVNDIT NOS
INFERVVS.

MVLTA sunt in Inferni confi-
deratione, quæ ad nostram
confusionem atque humilitatem
plurimum valeant.

DAEMONES.

Primū enim, quem non moueat,
quòd cū vno solo peccato in tāta
supplicia dæmones sint coniecti, se
tamē, qui tam multa commiserint,
nec dum vidēt digna supplicia pati?
Quem, inquam, non confundat, qui
in se Dei patientiam tantā experi-
tur, vt cum tam seuerus iudex fue-
rit in dæmones, ei locum patientiæ
tam benignus concedat? Quod eo
magis permouere vnumquem-
que debet; quod eam sole-
ant homines in persuadendo alijs
pecca-

peccato diligentiam adhibere, quā
nec à Lucifero factam vīquam le-
ginus: nec enim verbis tantum ho-
mines, solaque vt Lucifer, significa-
tione, sed importunis etiam preci-
bus, ied pecunia, sed honore, sed
vita, omnibus denique quibuscun-
que possunt modis, alios in peccat-
um impellunt: vt hominum mali-
tia hac certè in parte Luciferi mali-
tiam excedere videatur. Quod vel
vnum, hominum superbiam eovsq;
deberet deprimere, tantamque ho-
mini confusionem afferre, vt ea ali-
qua saltem ex parte, quod in in-
ferno supplicij peccata nostra me-
rètur, compensaretur. Accedit huc,
quòd eò vsque procedit plerunque
hominū nequitia, ne dicā insania,
vt ipsū etiā dæmonem soleat ad
se tentandū prouocare, eiq; ad sui
interitum tanquam arma præbere:
vt mihi immerito facere videātur,
qui cuius ipsi damni causa sunt,
in dæmonem culpam solent re-
ijcere. Quod si quis alios ad cri-
minā pepulerunt, vix pro cōfusione
inter

inter eos consistere possunt ante terrenū iudicem; quanta pars est confusione plenum esse, qui se cum daemonibus ante Christi tribunal sibi consideret? Hæc si quis, qua debet, attentione secū reputet; possit ille quidem, & certè debet, ob propriā malitiam eo usque confundi, dum plene intelligat, quanta non solum in hac vita, sed in ætetiā quæ nullū sit finē habitura, suis peccatis supplicia promeruerit. Ita fiet, vt leue ei videtur omne quidquid in hac patitur si cū ijs cōferat, quæ in inferno (si cum eo pro meritis actū esset) fuisset passurus. Itaq; confusione plenus, & suam miseriā agnoscat & eam, qua se tamē indignum sentit misericordiam petat.

Ne verò quisquam eorum, qui se ijs (de quibus iam diximus) malis liberum putat, existimet non esse cur se magnopere confundat: quisque secum de hac re sic reputet, nihil esse cur de se minus humiliter sentiat; quin potius eo maiori se confusionis obligatione obstringi, quod
vna

vna eum tantis malis Dei gratia per singula temporum momenta eripiat: quæ nisi hominibus præsens esset, quis nõ in peccati foueã caderet, adeoq; æternis supplicijs dignus esset? Cùm verò hæc Dei misericordiã euaserit, quas non ei gratiarũ actiones debeat? Magna certè ijs se confundendi causa inest, qui cùm perpetuo Dei misericordiam tantã experiantur, tã opere nihilominus sunt ingrati: atque eo magis humiliari debent, quo se minus Dei gratia dignos agnoscunt; nihilque minus in Dei obsequio facere debent, quàm si ex inferno educerentur, fuissent facturi. Quam si quisque obligationẽ rectè consideret, seq; beneficiorum magnitudine parum posse Deo referre intelligat, hic nõ animum despõdeat, sed illa se Prophetæ admonitione consoletur: *Ne auertatur humilis factus confusus, pauper & inops laudabunt nomen tuum.* Psal. 73.

SPIRITUALE. 119
DAMNATI.

Deniq; si coram demonibus habet homo multa quibus se confundat, nihil se minus debet coram reliquis dānatis confundere, quando intelligit multos esse ob vnum peccatum tantū coniectos in infernū. Vbi quid sentire æquum est eum, qui se tanta, tamque multa peccasse agnoscit? Debet certē qui hæc consideret, quantum illos peccatis, tantū etiam cōfusione, si potest, superare.

LIMBUS.

Tam verò si eos qui in limbo sūt consideres, quantaque te Deus misericordia à multis quæ accidere solent periculis creptum, ad baptismi gratiā, ne illō caderes, tandem perduxerit, est certē quod plores, lachrymisque tantam ingratitude diluas, eoque magis quod qui in limbo sunt, nullam vnquam mortale peccatū commiserunt, tu verò quoties id commisisti, toties fuisti infernū promeritus. Quod si illi minori peccato in tam profundum locum deiecti sunt, qua tu
fron-

fronte audeas super terram viuere, qui Deum toties grauissimè offendisti? Quibus verò oculis audeas Dei visionem contemplari, qua illi multo minore culpa priuati sunt. Hæc si rectè consideres, nec illos qui in limbo sunt, dum tua cum illorum peccatis confers, intentis audeas, sat scio, oculis aspicere.

PURGATORIUM.

At eorum consideratio qui in purgatorio sunt, eo nos magis debet confundere, quod illi quamquā tuto iam loco, tantisq; mundi malis erepti, certi præterea nunquam se amplius Deum offensuros, in portum denique prouecti, in suppliciis tamen sunt: nos verò & tempestatibus iactamur, & salutis nostrę incerti, inter astutos admodum & acerrimos hostes, ideoque in perpetuis periculis versamur. Quod si cuiquam confusionē minuatur, quod illos intelligit digna peccatis supplicia pendere, is ita putet, nonnullos fortasse ibi cruciari suo vel exemplo, vel prauis consiliis, vel scā-

dalo

SPIRITUALE. TM

dalo, vel denique negligentia in peccatum impulsos. plerosque etiam ibi diutius retineri, quod eius orationibus alijsque suffragiis minus adiuuētur. Id ergo istum (quisquis est) confundat quod eis ut patiantur causa fuerit, opem ut liberentur aut nullam, aut exiguam ferat: propriasque putet eorum culpas, & suas, quia nescit an solo purgatorio igne sint diluendæ, eo se magis, magisque confundat.

SECUNDA PARS.

Qua traditur, quem admodum eorum quæ in terra conspiciuntur, consideratione confundi debeamus.

Seorum qui noxij sunt compassionem nocentiores inuenimur, quales coram innoxijs rebus, quæso apparebimus? Etenim si eorum qui peccarunt, consideratio nostrâ magnopere superbiam deprimis; quantò nos eorū consideratio humiliare debet, quæ nunquam à Creatoris præcepto vlla in re discesse-

G runt?

runt. Inanimes dico creaturas, quæ solum vegetandi, vel sentiendi vim habent, vehementer quidem arguunt nostram inobedientiam, ingrati-
tudinem, atque inertiam.

CONFUNDIT NOS TERRA.

Terra quidem, quæ fructum profert, nos planè reprehendit, qui infructuosi, atque steriles sumus.

AQUA verò, dum prata irrigat, sitim sedat, eaque facit, ob quæ à Deo data hominibus est, quantum eos arguit, qui eam tunc Creatori negant, cum ipsius nomine petenti pauperi præbere omittunt!

IGNIS. Iam verò ignis, dum sapidas carnes reddit, quantum eorum crudelitatem condemnat, qui proximi carnem inclemèter tactant.

AER. Quantum verò aër qui nostram perpetuò vitam tuètur, negligentiam nostram in Dei obsequio, quos vel una hæc res maxima Deo seruiendi obligatione deuincit.

LAPIDES: Petræ verò, quæ in Christi passione, quanquam insensibiles,

fibiles, scissæ sunt, quantum deberent nostram duritiem, atque incivilitatem confundere!

MEL. Est mel palato dulce, nos verò Deo amarissimi.

FLORES. Suanis est florum odor, at nostrorum quantus est peccatorum foetor?

PLANTAE. Crescunt plantæ, sursumque tendunt: at homo dum vilia sectatur se magis, magisque indies deprimit: cui quāto esset cōsultius vel in hac re arbores imitari? quæ quo in profundum plures radices iaciunt, maiorem ex ijs ad ramos virtutem trahunt: sic enim homo si profundas humilitatis radices iaceret, magnum virtutum fructum referret.

IUMENTA. Iam verò quem nō moueant iumentorum seruitia? cū præsertim ijs exhibent, qui se peccatis iumentis similes reddiderunt? Quāto verò digniorem, qui hæc male tractat, qui male tractetur? aut quis non iure miretur obedire hæc illis qui Dei tamen voluntati repugnēt?

ARIES. Induit te aries pelle, &
 vestit lana, suisque sustentat carni-
 bus: tu verò eis cum in Dei gloriam
 uti deberes, his atque alijs Dei be-
 neficijs abuteris, dūque mille mo-
 dis tuæ concupiscentiæ studes satis-
 facere, & creaturis, & Deo iniuriā
 facis. Fatigatum labore leuant sup-
 positotergo iumenta, seduloque in
 ea re suo, qui eas in hunc finem cre-
 auit, creatori parent: tu verò nihil
 minus quā finem tuum aut cogitas
 aut quæris, quem certè par erat Deo
 aliquam (si ita dicere licet) quietē
 adferre, quando ex eius creaturis
 tantum in labore leuamē capis. Nō
 est quidem quod quiete putemus
 indigere Deum, qui quidem summa
 est sui atque omnium felicitas: sed
 quiescere tamen (quæ est eius beni-
 gnitas) putari se vult in iustorum a-
 nimis, *Delicias suas ait, esse cum filijs
 hominum*; de quibus tamen in hunc
 modum meritò conqueritur: *Labo-
 ravi sustinens*. O quantum verbum
 hoc ad nostram cōfusionem valere
 debet, quādo nostris Deo operibus
 labo-

laboris causa sumus, cum quietis tamen esse deberemus! Itaque non de brutis, sed hominibus dictum est: *Pœnitet me fecisse hominem.* Hæc te, cum o pulvis, & cinis, humiliet, hæc tibi lachrymas excutiant: idq; præsertim cum creaturarum servitio quietem tibi adferre sentis, quando non tu similiter erga Deum te geris. Cum verò iumentis tuis pabulum das, ita puta, quanto æquius est illiste, qui am tibi illa servire. quæ numquam Deo nec rebellia, nec ingrata fuerunt.

SERPENTES. Serpentium prudentia, qui feruntur admota altera aure terræ, alteram, ne vocem incantatoris audiant, cauda occludere; tuæ te imprudentiæ admoneat, qui ne ad dæmonis quidem tentationes aures claudere didicisti.

FORMICÆ. Tuam tibi inertiam formica demōstret, ea in æstate præparans, quæ ipsi sint in hyeme v sui futura: quod vel vnum plane tuam negligentiam arguit, qui non ea, dum vivis, merita præpares, qui-

bus sis post hanc vitam maximè opus habiturus.

APES ET BOMBYCES.

Quo verò sit latior meditandi campus, apes cogita, & bombyces, & eiusmodi reliqua animalia, ita tibi admiranda multa, quæq; magnâ in te excitent confusionem, occurrerent: quæ nos consultò omittimus, ne prolixiores simus, simul etiam quod nobis id propositû sit, ut rem tantû indicemus, quæ sit diligenter ab vnoquoque cogitanda, maiora melioribus ingenijs relinquentes. Hoc verò interim admonemus, magnam in creaturis omnibus suppetere confusionis materiam, si, quoties vna quælibet occurrit, persuasum habeas, te quoties Creatorem offendisti non meruisse tantû, ut earum obsequio careres, sed ut illæ etiam in te Dei iniuriam ulciscerentur. Quod cum eas necdum fecisse vides, sed tibi adhuc seruire: quantas debes, quantaque cum humilitate, Dei misericordiæ laudes? quam sæpe porrò te ad Dei obsequi-

quium paratum offerre?

SVS, CANIS.

Ne verò quemquam impediat quorundam brutorum cōsideratio, dumque vel volutantem se in luto suem conspicit, aut cum resumentem canē videt quod euomuerat, se illis putet non esse sordidiorē. Utque de rebus iudicet quisque ut par est, sciendum est, nihil per se malum esse, nisi quatenus in conspectu Dei, vel Dei iudicio malum est. Quare cum ea quæ de sue, & de cane diximus (quippe quæ sint eis naturalia) non habeantur mala coram Deo, non esse à nobis mala existimanda: sed illud potius cogitandum peccatori quale sit, aut quas mereatur poenas, cū sus faciat secundū naturā, dum voluitur in luto, facit ille contra naturam suā, cū Deū necamat, nec Deo seruit: cumque in peccato quiescit, in quanto sordidiorē quàm sus, luto volutetur; quantoque (cū ad relictum peccatum redit) foedius quam ex-

nis ad vomitum reuertatur : atque id eum confundat , eoque magis, quod ista intelligit Deo magnopere displicere. Non itaque quenquā reuocent à confusione. quorundam irrationalium animalium facta, sed sua quemque malè acta confundāt, qui iudicio libero præditus, omne potuit, & debuit malum vitare. Atque hæc de iis quæ ratione carent.

RATIONALIA

CONFUNDUNT NOS.

Sequitur vt dicamus , quemadmodum nos debeat rationalium creaturarum , id est, proximorum nostrorū consideratio confundere.

SUPERIORES. Sunt igitur in his superiores alij, alij æquales, alij verò inferiores : de superioribus pauca dicam, quando eorum auctoritas, & in te potestas, tantopere debet mouere ad humilitatem cum præsentés sunt, vt nisi te humillimè coram ipsis geras , rationis iudicio carere videri possis, qui non consideres quam illi , & qualem personam gerant.

Con-

Confundat vero te, magnoque timore concutiat, quod cum sint hi ministri Dei, non de te, qui diuinam Maiestatem læsis, pœnas sumant. Itaque si iubeant aliquid, si reprehendant, si castigent, id tibi quamquam aliis durum videri possit, debet leue, & suaue videri, siue id cogites quod mereris, siue id memineris quod olim sub demonis potestate faciebas, cum videlicet sub eius vexillo peccato seruires, eiusque in rebus non ferendis iugum ferres: utebatur enim te tanquam carnifice, cum videlicet te ad perpetrandum opere aut mente homicidium adigebat; te denique tanquam foetidorum & corporum, & animarum vectore utebatur, cum tuis vel exēplis, vel persuasionib. multi in peccatum cadeutes, in infernum tandem præcipites ibant. Hanc tu tam miseram seruitutē si tecū reputes, dulcia tibi videbuntur omnia superiorum præcepta, cū te præsertim illi nō iubeant facere, nisi quæ ad pacificam, quietamque, & fraternæ charita-

tis plenam vitam pertinent: teque indignum iudicabis, qui eos habeas superiores, qui sint ipsi ministri principis pacis, & tibi occasio magna merendi vitam æternam. atque hæc de superioribus sint satis.

ÆQVALES. Aequalium consideratio ita te confundet, si te indignum putes qui æqualis dicaris. iis, quibus vel dignitate, vel officio minor non sis: debes enim illorū virtutes cogitare, quibus te coram Deo maiores sunt. Quod ut tibi persuasum omnino sit, ita cogita, neminē tibi te ipso in malis notiores esse: scis enim de te ipse, quam multa & malè cogites, & appetas: aliorum verò interiora peccata non tibi perinde certa sunt. Quod cū ita sit, sintque tibi peccata tua certa, aliorum autem incerta, meritò te debes peiorem cæteris iudicare, adeoque reliquis inferiorem.

INFIRMI. Quocirca si quēquam vides infirmū, cū tu sanus sis, noli efferri, sed potius humiliter considera, tractari illum à Patre cælesti

lesti tanquam dilectum filiū, te verò paterna correctione, & amoris plena indignum esse: contrā verò si tu ægrotus sis, putate te id tuis peccatis meruisse; alios verò qui prospera vtuntur valetudine, id consequutos, tanquam quibus non magna pro peccatis satisfactione opus sit.

DIVITES. Si diues sis, illud time, quam difficile qui pecunias habent, in regnum Dei introibunt: si proximus; cogita ei, quod fidelis sit dispensator rerū Domini, auctum fuisse talentum.

PAUPERES. Si pauper sis, Dei iusto iudicio, & tuis meritis tribue qui vel spiritualia bona tibi à Deo data dissipaueris, aut egētes proximos re, cūm, posses, aut orationibus, atque aliis huiusmodi eleemosynis non inueris: si proximus, estimā eius à Deo votis satisfactum, magnoque illum à Deo beneficio cumulatum, qui Christo paupertate similis effectus sit. Ita te si in proximorum rebus geras, deque

Quod 6. cap. illis,

illis, & te sentias, (vt par est) nunquā tibi confusionis materia deerit.

INFERIORES. Nec verò putēs defuturam in rebus inferiorū: nec enim hi quod sint inferiores officio, contemnendi sunt; sed potius eo pluris sunt faciendi, quod iistanquam fortioribus maiora onera Deus iniungat; tecum vero tāquam cum imbecilliori clementer agat, qui illorum non possis (quæ tua est infirmitas) more viuere: nec enim tantum habes anīmi, aut virium, vt noctu, diuque possis tā multa pati. Quod si cogites, quam illorum plerique læto animo suos ferant labores, quamque paucis in sustentanda vita contenti sint; denique si cum eorum virtute tuam imbecillitatem conferas, magnam humilitatis materiam habebis.

FAMILI. Cum te famuli comitantur, id te confundat; quod cū Christum deserueris, ei que debitum honorem negaueris, illi te sequuntur tamen, & magno honore prosequuntur. Adde quod
tibi.

tibi seruiunt, ad cæleste regnum
 creati: cogita, cum tu es in peccato,
 & illi in gratia, indignum te esse
 qui illis seruias. Confundat te illud
 Christi exemplum, cum discipulo-
 rum pedes lauit. Confundat quod
 dixit: Non veni ministrare. Con-
 fundat te tandem coram omnibus
 eorum creatio: sunt enim ad ima-
 ginem Dei, & similitudinem facti,
 & tantopere chari æterno Patri, vt
 pro eis vnigenitum dederit. Atque
 id te debet coram infidelibus con-
 fundere, quando & ad eandem ima-
 ginem creati sunt, & pro omnibus
 Christus est: eoque magis coram
 his debes confundi, quod fidei illi
 lumine destituti, ijsque quibus Deus
 soler suos recreationibus consola-
 ri multa tamen magnaue patiun-
 tur in ieiunijs, ceremonijs, atque
 eiusmodi alijs; tu verò Christianus,
 & Spiritus sancti gratia illustratus,
 donoque fortitudinis adiutus, &
 diuino amore subleuatus, in mini-
 mis quibusque ita fatigaris, vt le-
 uem pænitentiam vel ferre non

posse, vel si feras, magnū te aliquid
facere putes. Excitent itaque te ad
confusionem infideles: tecumque
sæpe id cogita, si fuissent *In Tyro &
Sidone* factæ virtutes, quæ factæ sunt
in te, olim in cilicio & cinere pæ-
nitentiam egissent: hoc est, si infi-
deles, quod tu, lumen fidei recepis-
sent, quantò Deo, quam tu, gratio-
res fuissent?

IUDÆI. Deplora itaque quod
tā inutilis sis, talisq; vt corā Iudæis
etiam confundi debeas. Crucifi-
xerunt illi quidem Christum, sed
semel, sed ignorantes eum. tu ve-
ro crucifixisti sæpe peccando, quem
scires tanrē ad dexteram Patris
in gloria sedere. Quod si te illi con-
fundūt, quantum putas te confun-
det quilibet Christianus; Etenim si
Angeli imaginī honorē deferimus
propter eum quem repræsentat
quāto eum in honore habere par
est, qui in se viuentis Christi ima-
ginem gerat, & Deus participatio-
ne sit; sicut scriptū est: *Ego dixi, dñs
estis, & filij excelsi omnes.*

Quò

Quò verò tandem eà absoluiam,
quæ ad Proximos pertinent, aduer-
tendum id est, quod puto magnò-
pere conducere ad confusionis cō-
seruationem: dæmonis videlicet
exercitiū hoc quibuscunq; potest
rationibus vndique oppugnare, at-
que ita vehemēter, vt magna ei di-
ligentia opus sit, qui ab illo magnū
nolit accipere detrimentum. Est i-
taque necesse, ita eiusmodi veluti
habitum acquisisse. vt simul ac cum
proximis aliquid agendum sit, eo
vnūquemq; in honore habeamus,
tanquā si nostri essent omnes aut
domini, aut præceptores; eaque v-
numquemque attentione audia-
mus, eorumque consilia sequamur,
tanquam si nobis per eos Deus lo-
queretur; caueamusque magnopere
nostrum illorum iudicio iudicium
preferre. Qua in re duabus de cau-
sis peccari solet: altera, quod nemo
in causā propria idoneus sit iudex;
altera quod aliquando adulatione,
sepe verò ex ignorantia pauci de
rebus sentiunt vt par est. Itaque

non nunquam astuti, & vafri tanquam prudentes laudantur; & qui omnia irrident, sapiētes habentur, cum contra tamen de iis sentiendum esset. Quocirca tutum est etiam in bonis tum gratiæ tum naturæ, & timere ne decipiamur, & Deo in omnibus, quæcumque in alijs viderimus, gloriam dare omniaq; semper in meliorem partem interpretari. Quod si contingat eos aliquid facere, quod rectum esse non videatur, ne vtique iudicemus, quando in nostris non nobis licet iudices esse: sed vel excusemus factum, vel inde mente auersa eorum benè acta consideremus; nostraque cum illorum virtutibus vitia comparemus, ne vllum confusionis gradum (si aliter agimus) amittamus. Itaque si viderimus vel mortaliter peccantes, id cogitemus vel fecisse ex ignorantia, vel iam ad Dei gratiā per poenitentiam rediisse, futurumque illis peccatum maioris hic pænitentia; adeoque gloriæ in cælo perfectioris occasionem.

QVÆ IN CONVER-
SATIONIBVS CON-
FVNDVNT NOS.

*Ne vero quicquam Confusioni de-
pereat, aduertendum in conuersatio-
nibus, vbi maiora solent esse pericula.*

MANSVETVDO. Vt si de man-
suetudine agatur, veniat in men-
tem irarum tuarum.

PVLCHRITVDO. Si de rebus
pulchris, tuorum peccatorum foe-
ditatis recorderis.

POTENTIA. Si de magnatum
potentia sermo fiat, id consideres,
quàm nihil sis, nihilque possis, tum
etiam cùm maximè aliquid efficere
coneris.

AVARITIA. Si de auaritia quis
loquitur, tua inordinata desideria.

HVMILITAS. Si de humilita-
te, tuam superbiam memineris: at-
que ita in reliquis.

VITIA. Cùm mentio sit vitio-
rum, nostrorum recordemur.

VIRTUTES. Cùm autem vir-
tutum, eas nobis deesse cogitemus.

Ita:

Ita fiet, ut confusionis materia nobis semper suppetat, idque in conuersationibus præsertim, ubi maius est confusionis amittendæ periculū.

At verò, ut ad eam, quæ ex nostrarum rerū considerationibus nascitur confusionem propius accedamus, pauca quædam attingenda nobis sunt breuiter, nam lectori profundiorum eorum considerationem relinquimus.

PRAELATI. Prælatum igitur confundat, quod cum Christus dicat, *Animam meam pono pro ouibus meis*: ipse in pascendis ouibus adeò sit negligens, ut ne eas quidem agnoscat omnes.

SACERDOTES. Si Sacerdos, cum Christus dicat, *Qui mihi ministrat me sequatur*: quam ipse vitam intiterit, quæque his manibus egerit, quibus solet in sacrificio Christum tenere.

CONCIONATORES. Si concionator est, confundatur quod Christi officium exercent, quodque eius quæ prædicat exempla non sequatur

quatur, neque hisce, quæ dicit, consentanea opera faciat. veniat & illud in mentem, *Eloquia Domini, eloquia casta*: Videatq; si non satis mundum vas sit, quanta sit confusione dignus, illudq; timeat. *Peccatori dixit Deus, quare tu enarras iustitias meas, & assumis testamentum meum per os tuum?* Quod si Paulus timebat; ne, cum alijs prædicaret, ipse reprobus efficeretur: quantum debet quisque concionatorum timere, seque magnopere confundere?

PRAECEPTORES. Confundantur præterea Præceptores, & Doctores, ut qui confusione præcipuè opus habeant. Ait enim Apostolus: *Scientia inflat.* Quod si quis ob scientiam extollitur, ea vel maxime causa confundi debet: plus enim in eo sapit quam oporteat, sapere.

DISCIPULI. Confundat discipulos sua ipsorum ignorantia, qui nisi docerentur brutis animantibus similes essent: simul etiam quod parum & in litteris proficiant & sua alijs scientia prosint cum debeant

40^o COLLYRIUM.

debeant tamen cò magis prodesse multis, quò fuerint sapientiores. denique quod cùm addunt scientiam, addunt etiam & dolorem.

RELIGIOSI. Religiosus autem multo magis debet coram infidelibus, & Christianis reliquis confundi, quando ei non solum fidei lumen datum est, Christi que iugum dulce impositum; sed & vita omni solitudine vacua, speciali quodam privilegio concessa. Confundatur quòd ex tam multis millibus electus sit, qui si vocati fuissent, multò erant Deo gratiores futuri. Confundatur quòd tam negligens, & distractus sit in choro, vbi Deo assistunt Angeli. Confundatur ob servitia fratrum in culina, in valedinatio, atque alijs locis ipsi exhibita, qui neq; qui seruiat, dignus est. Confundant eum in coenaculo fercula, quæ Deus ipsi sine vllò ipsius labore, aut solitudine opponenda curat: vestes etiam quibus induitur, & omnis domestica suppellex in eius vsum parata: cumque
his ho-

his homines, quorum opera agrietiam, quorum cultu omnia denique, quibus tanquam medijs res ex in hunc tandem statum ad eius utilitatem deuenierunt. Super omnia verò debet eum confundere, quòd seruus Dei dicitur, quibei tamen, sæpe sit inimicus. Nomen certe id est, de quo Virgo beatissima tanquam gloriabatur, cum se diceret, *Ancillam Dei*, quodque magnopere superbos quosque confundere debeat.

CONFUNDAT NOS DOMINUS DEI.

Confundat præterea Religiosum magis, magisque domus Dei, quam tanquam filius inhabitat: cum tamen à Patris cælestis perfectione tam longè absit, quotque in ea passus conficit, tot tanquam fluctibus in confusionis pelago immergatur. Nam si *domum Domini decet sanctitudo*, quomodo in ea iniquum fert Deus? aut cur ab orationis domo non eiicitur indeuotus? Si porro eiusmodi est domus Domini, ut magnus & Rex, & Propheta David
eligat

eligat in ea potius, quàm alibi habitare, seq; in ea contemptum, & abiectum esse pro beatitudine ducat: quanta eius debet esse confusio, qui illic inuitus maneat! aut si manet libenter, tanto tamen est Dei beneficio ingratus!

CEREMONIAE RELIGIONIS.

Postremò eum omnes Religionis ceremoniæ confundant, quando eas vel non intelligit quorsum spectent, aut non aduertit, aut graues esse putat, aut sibi deniq; vtiles esse non curat.

PIORVM ELEEMOSYNÆ.

Confundatur cùm pro amore Dei eleemosynam petit; est enim ea res insignis cuiusdam priuilegij: cogitetque quale sit, quòd pro ipso Deus, tanquam qui indigeat, his qui ei mendicanti aliquid dant, se debitorem constituat, eique suum thesaurum crediderit. Quod si aliquando quæ ipsi Dei causa
data

data sunt, non in eum, in quem petijt, vsum insumpsit, tanquam, sacrilegus confundatur, qui Deo auferat quòd ipso petente alij Deo dederunt. Cogitet cum petit tanquam pauper, nisi animo pauper sit falso se nomine petere: si verò petit ex curiositate, adeoq; contra quã Deus vult, deceptor est, & more eorum, qui falsis vtuntur diplomatis, nummos à proximo surripit.

ANGELORVM MVNVS.

Confundatur denique, quòd cùm Dei nomine petit, Angelorum munere fungitur, qui ab hominibus semper tanquam Dei legati petunt: ab alijs quidem, vt pauperibus subueniant; ab alijs autem, vt iniurias sibi factas remittant; ab alijs verò, vt Deo quam debent gloriam, & honorem dent. Cùm verò eleemosynam acceperit, cōfundatur, quòd & danti Deo, & proximo ingratus sit: ita autem fiet, vt cùm ei aliquid erit petendum; incipiat confundi, vt qui intelligat, quanta eum eleemo-

elemosyna obligatione deuinciat:
solumque necessaria petat, quando
eo maiori obligatione obstrictus
est, quo plura acceperit.

PEREGRINATIO.

Cum verò peregrinatur, caueat
in eam cogitationem veniat, vt se
Apostolicam vitam agere putet. sed
illud potius cogitet, eam peniten-
tiæ loco sibi esse vitam attributam.
Quod si est è Religiosis inclusis, pu-
tet se, tanquam feram indomitam,
voluisse Dominum ab hominum
conuersatione remouere.

REGES ET PRINCIPES.

Si Rex sit, aut Princeps, confun-
datur, quod in eo statu sit, quæ Chri-
stus vitauit, cum eum vellent Iudei
Regem creare. Mirum verò est, au-
dere quemquam id munus assume-
re, quod Christus recusauit, nisi for-
te id pro cruce habeat & Christi a-
more subeat.

DOMINI. Confundantur Do-
mini, quod sint in requirendis redi-
tibus valde diligentes; in puniendis
autem peccatis publicis admodum
negli.

negligentes : timeant verò, quòd pecunia, alijsque bonis vtantur tãquam suis, nec eius soleant meminisse, à quo cuncta acceperūt. Confundantur porrò, quod se magnum aliquid facere putant, cùm eleemosyna pauperi subueniunt ; nec cogitāt se dare aliena, Deoque quę sua ipsius sunt reddere, in eoque, in quo se putāt beneficium facere , magno à DE O beneficio cumulari. Quod si vel tum , cùm eleemosynā dant, se debet confundere, quanto magis cum in vanos vsus pecunias expendunt!

EQVITES. Cogitandum autem est equiti, in Euangelij defensione adeoque ad promouendū honorē Dei, assumptum sibi fuisse gladium. Quod huius rei memoriam proprii honoris studium delet, suumq; diuino honorem præfert, quid nisi Euangelij persecutor est? Confundatur igitur tanquam Deo infidelis, cogitetque se quamquam ab hominibus honorabilis habetur , esse peccati seruum, adeoq; Dei Sancto-

rum iudicio nullo non modò dignū
honore, sed inferni supplicijs desti-
natum.

COMMENDATARIJ.

Commendatarij autem, qui in
Religione aliqua professionem fe-
cerunt, de observationis votorū ne-
gligentia cōfundantur: eoq; magis,
quod sciāt, quā ægrè ferre soleant
sibi ab alijs præstitam fidem nō ser-
uari, vtque de his qui sibi aliquid
promiserunt, plerumque ob viola-
tam fidem pœnas sumant.

FAMULI. Confundātur famuli,
quòd adeò sint solliciti in domino-
rum gratia ineunda: quam si di-
ligentiam in Dei seruitio adhibuis-
sent, quāto citius quāq; veriorē gra-
tiā inijsset. *Servire. n. Deo, regnare est.*

IUDICES. Cogitent iudices,
quanta seueritate in reos sententi-
am ferant: confundātur verò, quòd
Dei iudicium, de quo scriptum est,
*Iudicium durissimum his qui præsunt
fiet*, nec secum disingenter reputent
nec perhorrescant.

ADVOCATI. Confundātur ad-
uocati,

uocati, quod cum alienis causis patrocinium ferant, sint tamen conscientia propria magnopere negligentes: nec verò idcirco efferantur, quod sua alios videant opera indigere; indigent enim & ipsi multorum auxilio, in his quæ ad animam pertinent.

MEDICI. Confundantur medici, cum cogitant, quemadmodum ægros tractent, quando sciunt, cum in morbo ipsi inciderint, quanta velint valetudinem suam diligentia procurari. Cogitent etiam animarum suarum vulnera: eoq; confundatur quod cum medici appellantur, peritiores tamen sint inducendi in se morbi, quam pellendi.

MERCATORES. Confundat mercatores sollicitudo ea, quam in emendo vili, caroq; pretio vendendo adhibent: ea propter ignorantes quod regnum celorum, quod gratis datur, comparare nesciunt; emunt verò infernum, quod magno & pretio emitur, & dolore possidetur.

Vt vero etiã ad reipub. artifices veni-
amus H 2 SAR-

SARTORES. Confundatur sartores, qui tantum in conficiendis alienis vestibus studium adhibent, cum sint ipsi tamen innocentix vestis acceptæ in Baptismate valde negligentes.

SVTORES. Confundantur præterea sutores, qui cum in durissimū etiam corium acu penetrent, in se tamen diuinas inspirationes penetrare non sinant.

FEMINAE. Et quis autem possit de feminarum statu pro dignitate differere, his præsertim tēporibus, quibus est tantopere vanitas hominum aucta?

VIRGINES. Confundantur itaque virgines, quod sæpe statuerint nubere. Et si enim id licitū est, quanto tamen satius Christo solo sponso esse contentas! atq; essent quidē ipsæ Christo solo contētæ, si eum quāto possent amore diligerēt.

NUPTAE. Confundantur nuptæ quod in ornandis se sint admodum diligentes, eiusq; rei causa tā multa insumant; contrā verò in eo negli-

gen-

gentissimæ sint, vt Christum induant. Cùm se torquibus aureis ornant, meminerint ferreas fuisse CHRISTI catenas, eiùque ignominie causa iniectas. Cùm autem manus armillis ornât, ligatas Christi manus fuisse recordentur. Cùm porrò se vestibis albis elegantie causa induūt, fuisse Christum alba veste indutum ignominie causæ meminerint. Et confundantur non ipsæ modò, sed etiam viri, qui cùm eiusmodi vestium lauitias ferunt, Christi vituperijs gratiam parem non referūt. Quod si illæ manuum suarum opera considerent, detrahent, credo, digitis, annulos, vt ijs qui ornamēto digni non sunt, cum feminis Christianis opera indigna fecerint.

VIDVAE. Cōfundantur viduæ, quæ virorum mortem tam ægrè ferunt, quòd cū ipsis Deus omnia impedimēta perfecti in se amoris abstulerit, tanto beneficio adeo ingrata sit vt sibi melius cū creatura fuisse, quam cum Creatore, a deoq;

NO COLLYRIUM

Deum spernere, impatiēter lata vi-
rorū morte significare videantur.
Conquerūtur enim ereptos sibi vi-
ros: sed profecto de illis æquius cō-
queratur Deus, qui se ab illis sperni
videat. Confundantur ergo illę, au-
diantq; in hæc verba conquerentē
Dominum: *Me dereliquerunt fontem
aque viue, & soderūt sibi cisternas dis-
sipatas, quæ continere nō valent aquas.*
Itēq; illud: *Quid inuenerunt in me i-
niquitatis, quia elongauerunt se à me.*

Atque hæc de statibus dicta suf-
ficient, ne propositam breuitatem
excedere videamur: simul etiam
quod facile ex dictis reliqua colligere;
& si quis ea quæ diximus dili-
genter cogitet, se confundendi oc-
casionem semper habere.

CONFVNDAT NOS

MEMORIA.

Iam, vt ad interiora veniamus,
Confundere, ô homo, de memo-
ria tua: cū enim hanc admirabilem
potentiā tibi scias à Creatore in id
esse datā, vt sui posses & sēper, &
suauiter meminisse; tu tamen in ea
vilia

vilia quàm plurima reposuisti, his-
 que eã ita occupasti, vt vix eius qui
 eam dedit, posses recordari: itaque
 fit vt nulli ipsa minus quàm Crea-
 tori seruiat. Cõfũdere igitur, quòd
 ea in Domini sui iniuriam abusus
 sis, quodque cum in mentem tibi sæ-
 pe reducatur, ab Ecclesia quidẽ qui
 sis, admoto quot annis cinere capi-
 ti, atque illis verbis additis, *Memẽ-
 to homo quia puluis es, & in puluerem
 reuerteris*: à scriptura verò nũc qui-
 dem finis tuus, cùm dicit, *Memora-
 re nouissima tua*: nunc verò ea quæ
 causa tua Christus passus sit, cùm
 dicit *Recordare paupertatis, trãsgres-
 sionis meæ, absinthij, & fellis*; alias au-
 tem sæpe alia tu tamen nihil minus
 quam hæc, & huiusmodi alia me-
 minisse videre: vt meritò flere de-
 beas, & cū propheta dicere, *Renuit
 consolari anima mea, memor fui
 Dei, & delectatus sum*; eoque con-
 fundi, quòd in Dei aliquando obli-
 uione fueris recreata.

INTELLECTVS. Iam verò
 vt ad intellectũ transeamus, quan-

tus se in eo confusionis campus aperit? qui cum intelligat se in eum finem creatum esse, vt summum bonum intelligeret, sæpe tamen non vana modò, & inutilia, & transitoria, sed pessima etiam cogitat, atque in ijs denique occupatur, quibus intelligit minimè debere esse intētum. Flendum tibi certè est malum hoc, & quanta possis confusione deplorandum.

VOLUNTAS. Quid autem de volūtate dicemus, qua cum Deū super omnia deberes diligere, ea tamē fueris profecutus, quæ vel cogitare pudeat, nedum dicere? Quid tibi inquam, dicā ò cæca voluntas, quæ lōnis æternis sensuum delicias prætulisti; quam cū dulcis Dei charitas in Seraphinorum choro posset constituere, mundi fœdus amor in interna deiecit. Meritò quidē, ò anima, tuæ te debent potentiæ confundere, in quibus tam fœdatam videas imaginem Dei: possistu quidem eas, & debes cum dolore ijs verbis reprehendere, *Ecce Adam*
qua-

*quasi vnus ex nobis factus est, deque
eis in hunc modum conqueri: Quis
vos, ô potentia, ô imago Dei, quis
inquam, vos perdidit? quis tibi ô
memoria, Dei memoriam abstulit;
quis tibi ô intellectus, mentē eri-
puit? quis te decepit, ô voluntas? O
quam illud quadrat in te, ô anima:
**Facti sunt principes eius sicut arietes
non inuenientes pascua.** More enim a-
rietum cū pascua non inueniant
potentia tuā, quasi in Deo pascua
non haberēt, venenata pascua que-
sierūt: adeoque ea causa viribus de-
fecta sunt, vt magna debeas confu-
sione confundi.*

Ad sensus transeamus.

OCULI. Dedit quidem Deus o-
culos, vt creaturarum pulchritu-
dine cōspecta, in re omni se amares.
ipsiq; pro omnibus gratias ageres:
tu verò contrā quācunque vides
consumis. aut ira veluti ardens, aut
auaritia concupiscens. Itaque cum
oculi tui coram Deo esse deberent,
sicut oculi ancilla in manibus dominae

H 5 sua

sua, basilisci (qui quæcunq; conspici-
cit visu interficit) oculi facti sunt.
Confundere igitur, quo lumen tibi
datum in tenebras verteris.

AVRES. Quodque aures & san-
ctis inspirationibus claudis. & mur-
murationibus aperis.

LINGVA. Quod qua deberes
Deum lingua benedicere, homini-
bus maledicis

NARES. Quod cum sollicitus sis
ne quicquam male oleat, graue o-
lens tamen peccatum non sentis:

TACTVS. Quod denique durit
esse videatur, siquid est pro Christo
patiendum: suaue verò sit quòd pro
mundo pateris.

Deplora itaque sensuum mala,
atque eius rei memoria humiles ti-
bi, & confusionis plenas lachrymas
exprimat:

CAPVT. Quod si necdum satis
hæc sunt, te caput tuum confundat,
quod spinis pressum non sit.

CAPILLI. Confundant capilli
quod non sint euulsi.

MANVS & PEDES.

MANVS autem, & pedes, quòd.

non transfixi clavis: reliqua te deniq; membra confundant, quòd cū nisi Dei virtute moueri nō possint, fueristamen tui pedibus Christum persequutus, manibus autem, atque operibus ipsam vulneraris, & lingua læseris. Dinique si recta ratione rem reputes, tuti tibi magna solus cōfusionis materia es: nec enim est in te quicquam, de quo si diligenter cogites, non debeas magnopere confundi. Quod si in te sint, quæ non intelligas, vel ea causa maximè cōfundi debes, quòd te ipse plenè non noueris. Nam vel quæ sit anima, aut quid in se habeat, aut corpori quemadmodū vnita sit, deniq; vt sit à corpore separāda, si ex te ipse quæras, scio nō poteris respondere. Quod si in rebus proprijs tā es inscius, quam eris, obsecro, in alienis! Illud interim verum est, & in his quæ de te scis, & in his quæ ignoras magnam tibi cōfusionis materiam suppeteret.

BONA. Quod si mihi quisquam hoc loco obijciat, non in bonis, sed

in malis tantum operibus confusio-
nis causam reperiiri, id ego nega-
uerim: puto enim in bonis etiam
propterea nos debere confundi,
quod ad bonū simus admodū im-
becillies, ideò verò proclives in ma-
lū, ut magis mirum sit, ex tam cor-
rupta natura boni aliquid prodire
quā ex rosario rosam nasci: est e-
nim id roseto naturale, ut rosam
proferat; at perfectum opus non
sola hominis natura potest produ-
cere: nec enim DEO gratum
quicquam sine eius gratia esse po-
test. Qui ergo miratur inter spinas
ortam rosam, multò magis mirari
debet boni aliquid à se factum; tã-
toque magis confundi, quod videt,
ut in sterili solo, dignoque quòd ob
peccata in Deum maxima sale con-
spargatur, operetur mira DEVS
atque adeò excolere perseue-
ret. Quare non de malis tantum o-
peribus nos, sed de bonis etiam
confundi possumus, & debemus. Si
qua enim facimus bona Deus
est qui ea in nobis cœpit, fecit,
atque

atque perfecit: nostrum illud est, ut magis, magisque confundamur, atque humiliemur, qui Deo tam saepe restituerimus, eamque quam meruimus poenam eius clementia euaserimus.

TERTIA PARS.

Qua traditur quemadmodum celestium rerum contemplatione possumus confundi.

Vix scio quibus possim verbis de celestibus dicere, qui ne in terrenis quidem pro dignitate, quanta in his confusionis causa sit, potuerim declarare.

CONFUNDUNT NOS

Cæli.

Est quidem certè vel in sola celestium motuum contemplatione, magna confusionis materia, si cum tam admirabili ordine, nostrorum actuum inordinationem conferamus.

PLANETAE. Iam verò de planetis quid dicam; quos scimus semper & à superioribus recipere, & quam receperint virtutem perpetuò

H 7a . . . inferiori

inferioribus communicare; Vnus ex rebus omnibus homo est, qui sibi, quo minus à Deo cælestia bona recipiat impedimento est; eaque cū receperit, alijs negligit impartiri.

STELLÆ. Cūq; cæli omnes, & stellæ Solis lumine vestiantur, vnus homo Solis iustitiæ lumine indui recusat magisque (quemadmodum scriptum est) *tenebras diligit, quam lucem.*

ANGELI Quod si Angelos contemplemur, quantum eorum, quæso, nos puritas atque innocentia confundet! quantum id, quod eorum tanta & sapientia, & charitate prædicatorum consilia tam necessaria negligimus! Deficient me quidem verba, nostram pro dignitate confusionem explicare volentem, siue cum Seraphinorum amore tepiditatem nostram, siue cum Cherubimorum scientia nostram ignorantiam comparemus.

Quod si cui fortè videbitur sublimiores esse Angelicos spiritus, quā ut cū his puluis noster, & cinis debeat comparari?

SAN-

SANCTI. Ad sanctos veniamus qui carne, & sanguine constiterunt: neque eis (quanquam hominibus) humana fragilitas impedimento fuit, quò minus pro Dei honore magna quædam, & admiranda opera perpetrarent: Cælestium itaque hominum, terrenorum facta confundant:

MARTYRES. Martyrum quidem in tormentis constantia, & virtus, nostram in propositis inconstantiam, atque infirmitatem.

CONFESSORES. Confessorum verò pænitentia, vitæque austeritas, nostras delicias.

VIRGINES. Virginum autem puritas, maximeque nostri Domini, turpitudinem nostram confundat.

MATER DEI. Atq; illud etiam, quòd sacratissimæ Virgini cum sumus obligatissimi, propter filij educationem, qui esset pro nobis Patri in cruce offerendus, gratiam tanto beneficio parem nunquam rependimus: quin etiã sumus ingrati, adeo

adeo ut nec ab ea misericordiā petere præ pudore audere deberemus.

CHRISTVS. At verò in Christi consideratione, quis possit prodignitate confundi; aut quæ hæc profunditas confusionis satis esse potest, ubi, quis considerat Christum, quod vnicum habet remedium, atque confugium, ita spreuisse, ut possit ille meritò dicere: *Proiectus sum à facie oculorum tuorum?* Eius enim pedum vulnera, segnities tua & torpor infixit: eius latus tua inobedientia aperuit: manus eius opera tua clavis confixerunt: tua illi lingua fel propinauit: postremò, tua eius caput superbia spinis cinxit. Atque, ut vno verbo dicam, nihil est in Christo, quod cum videas non debeas meritò confundi: quidem scriptum est: *Confundantur superbi, quia iniuste iniquitatem fecerunt in me?*

SACRATISSIMA

TRINITAS.

Iam verò quid dicemus de confusione, quam sanctissimæ Trinitatis

tatis conspectus affert? aut quanta erit coram Deo confusio, si coram dæmone tanta fuit? Quibus porro oculis audebis Patrem æternum aspicere, qui eius vnicum filium ab illo missum, vt à te dissipatam hæreditatem recuperaret, non solum (vt parerat) non excepisti; sed in crucem etiam adegisti? Quam reddes Deo pro credita tibi hæreditate rationem? Quid verò pro his quæ ab eo accepisti & temporalibus, & spiritualibus bonis respondebis?

FILIVS.

Quid porro dices Dei Filio, qui pro te omnia passus est? Potest quidem ille meritò hominibus dicere: Confundantur homines, quod cum ego Deus è cælo in terras eorum causa descenderim, proque eorum salute homo fieri dignatus sim, nolunt illi tamen mea causa peccati sordes relinquere. Confundere, ô homo, quando prius ego te dilexi, quàm tu me diligeres: prius ipse seruiui tibi, quàm mihi seruires. O dura hominum corda! ô ferrea pectora!

ctora ! qui cum me alligatum colum-
næ videant, flagellis cæsum, &
vulneratū amore, alligari peccato
malunt, quàm mihi adherere, in eo-
que mundi amorem honori præpo-
nunt: nec intelligunt quàm sævus à
dæmone flagellis cædantur, pecca-
torum vinculis colligati. Dedi ego
homini viscera mea, quibus tanquā
firmissimæ columnæ complexu ad-
hærescat: contemnit ille tamen eaq;
sequitur, quæ ipsum corā me meritò
condemnent. O hominum ingrati-
tudinē ! ô insensatas humanas men-
tes ! mihi serviūt bruta, me arbores
atq; herbæ laudant, vnus ex omni-
bus homo nō agnoscit: sed more ra-
bidi canis, qui Dominū suū morſu
petit, cōtra me insurgit, dignus quē
terra dehiscēs abſumat. Cōfundere
ô homo, pro quo Agnus mansuetus
factus sū, & leo esse ferox tandē ali-
quādo desine. Amplector ego te cha-
ritate, tu me cupiditatis flagellis cę-
dis: cumque ego te pretiosis humi-
litis margaritis ornem, tu meo
superbiæ spinas capiti infigis.

Intel-

Intelligent aliquando homines,
 non arcis includenda, sed in pau-
 peres eroganda bona accepisse.
 Considerent quantopere à me dili-
 gantur, quos ego, ab ipsis in carce-
 rem cōiectus, inferni carcere eripi-
 am: quemq; illi non desinūt ingra-
 titudine crucifigere, ego charitate
 in charitatis viam reduco. Confun-
 dere, ô homo, quem cū aspiciunt
 Angeli, tum contemptui habent, &
 decipiunt dæmones, atq; in conspe-
 ctu meo condemnant. Confundere,
 inquam, & iudicium meum time,
 qui nisi hīc confundaris, & peccata
 tua fleas, magna te manet, & ama-
 ra confusio. Quem verò non con-
 fundat, quodd ego Deus & Domi-
 nus venatoris more perpetuò homi-
 nes insequor, ne mihi qui tanti con-
 stiterint fortè pereant; illi verò me
 tanquam venenosum serpentem
 semper fugiunt? Cur me non ti-
 ment, & mea iudicia? Cur non vi-
 tam mutant, qui mortis nec horam,
 nec diem sciunt?

SPIRITVS SANCTVS.

Quid

Quid autem Spiritui sancto respondebis, aut quo ipsi ore loqui audebis, qui ei toties animæ tuæ portas ocellaferis, eumque à te (vt demonem reciperes) impiè, atq; imprudenter excluferis? Confundimini, ô miseri homines, quos cum Deus crearit, vt essetis filij Patris vestri qui in cælis est, digna tamen cælesti Patre opera vix vnquam faciatis. Est in eo infinita mansuetudo & benignitas, paratusque semper est peccata remittere: vos verò iniquitate pleni, non solum factas vobis iniurias non condonatis, sed his etiam qui de vobis nihil malè mernerunt, iniuriam facitis. Est in eo summa bonitas, qua inimicis etiam, dum eos semper conseruat, benefacit: vos autem etiam amicis malè facitis. Est in illo æterna sapientia, & prouidentia admirabilis, qua vniuersum moderatur: in vobis autem insigne omnia perdendi studium, modò vt soli regnare possitis. Sed vos per Prophetam Deus ita reprehendit: *Nunquid habitabitis*

tabitis vos soli in terra

Conclusio operis.


Me non materia, sed tempus deficit: sint itaque satis hæc sapienti lectori, qui possit ex paucis multa colligere, & confusionis fructum consequi; si præsertim assidue, & diligenter in his se exerceat: quod quisque debet eò maiori studio facere, quòd in eo maxima spiritualis fructus pars posita sit, ut nostram infirmitatem, & miseriam agnoscamus. Quod qui consequuti sunt, atque eiusmodi fundamento iacto ædificare cœperunt, possunt illi reliquam partem tutò superexstruere: nam qui secus opus ædificant, his cum altius opus surrexerit, solet corruere. Accidit enim; ut orationis consolationes, quæ ad virtutes solent conferre, nisi humilitate conseruentur, in falsas, fallacesque consolationes euadant. Ita boni desideria bona quidem sunt: sed si ea nobis ita tribuamus, ut non Dei esse beneficia agnoscamus, cum magnoperè fallimur, tum non possumus,

mus, tam infirmo iacto fundamēto, quicquā firmū extruere. Quamobrē qui sua vult opera esse perfectā, ea & confusione incipiat, & conseruet, nec nisi confusione comitante progredi quoquā audeat. ita fiet, vt qui confusione nunquā deserit, à Deo nunquā deseratur: qui *cor contritum & humiliatū nunquā despicit*, sed *cum humilibus libenter conuersatur*. Hanc possumus dicere nuptialem vestem, qua qui erit indutus, à nuptijs non excludetur. Hoc est insigne filiorum Dei: hac indui oportet qui Christū sequi velit, quando ipse ea ita indutus est, vt diceret: *Tota die verecūdia mea cōtra me est. & cōfusio faciei meae cooperuit me*. Quòd si etiā Christi faciem confusio cooperuit, quē est Angelorū speculū, & Sanctorū gloria; cur nō ea peccatoris facies cooperiatur? aut quis nisi ea indutus in Dei conspectū venire audeat, cū scriptum sit: *Induantur qui detrahunt mihi pudore, & operiantur sicut diploide confusione sua*? Attēde porro dicentē Dominū. *Super quē requi-*

*requiescet spiritus meus, nisi super humilem, & contritum spiritu, & trementem sermones tuos. Quod si iustos etiā induit Deus cōfusione, non est quod se putet peccator sine ea vine-
re posse: cū præsertim non solū iusti in terra, sed etiam in cælo Sācti ves-
te hac induti sint. Quod vel ex illis Euangelij verbis intelligi potest, quibus Christum in die iudicij ita alloquūtur: *Quando te v' dimus esuri-
entē, & pauius te?* id enim dicunt tanquā admirati, tā paruis operibus, tāta se præmia meruisse: id quod satis Augustinus indicat, cū sic dicētes inducit: Domine, cur tantā, & talē nobis gloriā preparasti? Quod si hæc nos humilitas in cælū euehit, æquū est eam hic amplecti, eiq; nos tanquam tabulæ in naufragio credere, neque dubitare futurū, vt ei innixi, periculoso miseræ huius vitæ pelago traiecto, in cælestem tandem aliquando portum Dei misericordia perueniamus. Amen.*

F I N I S.

*Laus Deo Beatæque virgini
Maria.*



[illegible]

